

光緒江西通志

江西通志卷七十三

建置略四

壇廟一

南昌府

社稷壇在德勝門外明洪武閒知府趙文奎自城西北遷建

國朝康熙十八年知府甘國棟新建知縣楊周憲修雍正二年遵部頒壇式改建高二尺一寸縱橫各二丈五尺四出陛各三級繚以周垣四門丹飾北出入

謝志府志

先農壇在進賢門外雍正四年建高二尺一寸廣二丈

五尺神庫三閒瘞池一陪房二置籍田四畝九分

府志

神祇壇

舊爲風雲雷雨山川壇嘉慶十六年改

在進賢門外明知府趙文

奎建子午向高二尺五寸方闊二丈五尺四出陞午五

級子卯酉各三級壇下牆門同社稷壇謝志府志

厲壇在德勝門外明知府趙文奎始建高一尺六寸闊

二丈五尺四出陞各三級壇下南九丈東西北各五丈

繚以周垣

國朝康熙十八年新建知縣楊周憲修謝志府志謹案諸壇有昌新建

二縣皆附祀不別立

關帝廟在棉花市府學大成坊左順治九年

敕封忠義神武關聖大帝雍正三年

頒定致祭從文廟例後殿祀關帝三代公爵如崇聖祠例乾隆

三十三年

加封靈佑四十一年

特命改諡忠義嘉慶十八年

加封仁勇道光朝

加封威顯咸豐中累

加封護國保民精誠綏靖三年升中祀追封三代王爵

御賜萬世人極額六年改稱關聖帝君同治九年

加封翊贊別廟在攬秀樓東巡撫蔡士英建南昌縣關帝廟在

縣署門內新建縣關帝廟在德勝門月城

謝志府志

文昌宮在府學內舊在南昌縣南亦名會靈宮宋咸淳

九年建

國朝嘉慶六年始列祀典廟左祀文昌三代咸豐六年升

中祀別廟在鐘鼓樓前明萬厯閒建崇禎閒修

國朝乾隆五十年重修同治七年郡紳劉于潯等復修南

昌新建二縣文昌廟在縣學謝志府志

省城隍廟在府治東南舊在子城東明洪武三年知府

趙文奎移建正統間知府胡本惠修景泰間知府蘇仕

宣修萬厯間知府范涑重修

國朝乾隆四十八年布政使馮應榴修五十三年巡撫何

裕城重修謹案府志江右城隍相傳爲漢灌嬰高帝六年封忠惠王明洪武三年令天下城隍廟南昌府城隍廟

止稱某府州縣城隍之神悉革封號在府署頭門內左南昌縣城隍廟在縣署頭門內左新

建縣城隍廟在縣署儀門外東謝志府志

火神廟在磨子巷乾隆七年巡撫陳宏謀拓地重建五

十一年修同治七年郡紳重修府志

風神廟在磨子巷北乾隆三十七年布政使李瀚以入

官范氏祠改建

府志

龍神廟在楊叉巷北貢院前舊在府治中大街雍正十

一年巡撫常安移建一在廣潤門外南灣水關橋

府志

四神祠湖神江神祠在龍神廟西偏道光四年巡撫毓

岱移建江神祠舊在德勝門外北蘭寺旁咸豐三年移

今址

縣志

旗纛廟在巡撫署舊在惠民門內都司署

謝志

萬壽宮在廣潤門內一名鐵柱宮建自晉世祀旌陽令

許遜唐咸通中額曰鐵柱觀宋大中祥符二年賜名景

德觀知洪州軍曾鞏嘗修祠宇

王安石記自古名德之士不得行其道以濟斯

世則當效其智以澤當時非所以內交要譽也亦曰士而獨善其身不得謂之士也後世之士失其所業糜爛於章句訓傳之末而號爲穎拔者不過利其藝以干時射利而已故道日喪而志日卑於是有不昧其靈者每

厭薄焉非士之所謂道者名不副其實也亦以所尚者
非道也嗚呼其來久矣晉有百里之長曰許氏者嘗為
旌陽令有惠及於邑之民其為術也不免乎後世方技
之習如植竹水中令疫病者酌水飲焉而病者旋愈此
固其精誠之所致也而藏金於圃使囚者出力而得之
因償負而獲免於桎梏豈盡出方技之所為者以是德
於民暨後斬蛟而免豫章之昏墊大抵皆其所志足以
及之志之所至智亦及焉是則公之有功于洪論者固
白其道而觀之矣夫以世降俗末之日仕於洪者得人
焉如公亦可謂晦冥之日月矣公有功于洪而洪視之
度且久祥符中升其觀為宮而公亦進位於侯王之上
於是州吏峻其嚴祀之宮室與王者等茲固侈其功而
答其賜也工弗加壯中焉以地今師帥南豐曾君鞏慨
然新之鞏儒生也殆非好尚老氏教者亦曰能禦大災
能捍大患則祀之禮經然也國家既隆其禮於宮則視
其陋而加之以麗所以敬王命而昭令德也書來使予
記之余嘗有感於士之不明其道而澤不及政和八年
物者得以議吾儒也故於是舉樂為之述焉

改延真觀稱神功妙濟真君嘉定中額曰鐵柱延真之
宮明正統元年按察使石璞奏許遜韋丹有功德於民
宜列祀典詔許遜仍祀鐵柱宮韋丹祠觀西

胡儼許韋
二君功德

碑豫章許章二君者晉旌陽令許君江西觀察使韋君也按道書許君名遜字敬之其先汝南人漢末其父避地豫章之南昌因家焉敬之自少博學於天文地理陰陽律歷經緯之書靡不貫通尤嗜神仙修煉之術初得爲蜀之旌陽令表忠孝除煩苛開諭善道吏民化服點石變金代民輸賦標竹施水病者以甦慈惠之政流聞遠邇感慕之至形諸歌謠往師之得寶書符券斬邪飛步有女師謀母者多道術以除民殃斬江蛟以息水之患川澤無罔象之虞山林絕魍魅之怪復治金作柱以鎮昏墊環千里之閒民物莫安其功大矣韋君名丹字文明京兆萬年人周大司空之甥孫也文以世胄之華又現之元孫太師顏魯公之甥孫也文以世胄之華又從學魯公故其識見才器超於等倫以其歷官遷次所至政績具見唐史及韓文公墓銘今獨以其觀察江西者書之文明之治江西也罷八州冗食以紓民財教民陶瓦以免火憂築隄捍江疏斗門以走潦水民不陷溺開濟陂塘以灌田疇而民足衣食又爲南北市營以舍諸軍歲旱則募人就工而人不病饑復爲長衢夾兩營東西七里而人去滌汚凡爲民去害興利殫厥心無遺佚所以垂裕於後世者其功亦懋矣二君於民功德若此而報祀不舉豈非曠典歟祭法曰德施於民則祀之能禦大菑則祀之能捍大患則祀之由此而言二君之祀

於禮爲宜然舉而行之則存乎其人焉按察使臨漳石
公璞有猷有爲刑清政簡乃舉二君之事封章上聞遂
命禮官具祝冊每歲春秋方重臣揆時備物祀祠下
諸公奉命惟謹許君仍舊觀以祀卽鐵柱延眞宮也乃
作新祠於觀中西北以祀幸君憶國之大事在祀與戎
表昔賢沒世之功德舉千載因循之曠典達思慕無窮
之人石公之言朝廷之命一舉而並得之矣儼郡人
也報本之心同於齊民既書二君之功德又復係之以
詞曰粵若旌陽天賦非常積仁潔行規圓矩方製錦於
蜀愷弟慈祥化金代輸民歸流仁潔行規圓矩方製錦於
作民父母頌聲洋洋解組而歸流仁潔行規圓矩方製錦於
錄王章呼召風雲陰陽翕張毒蟒據穴百里羅殃髮倪
蹙頽君心憫傷老蛟變幻江湖茫人將魚鼈給我慎
郎化擁臥沙匿潛湖湘誅蚌蚌新蛟神化無方耕桑莫居
厥功莫量表表武陽郎公之孫教育外祖魯公之門高
朗振邁出類超羣敷歷中外益茂厥聞爰來豫章觀察
八州罷除尤食財用以周易茅陶瓦民無火憂築隄捍
江疏寶走潦水患永息民獲相保原野碩實時罔有秋
滌陂澹塘禾稼滿篝生遂樂利斯民之休干里湖山惠
施仁流元和政績卓然罕儔簡在帝心琢碑以留歷世
滋久浮屠遠邱侃侃石公論世尚友昭茲祀典實貽諸
後神功休德同垂不朽謹案謝志韋祠於成化五年
徙嘉靖間賜名妙濟萬壽宮萬歷二十八年復建

國朝順治十四年巡按筭重光倡修康熙十四年江西總督董衛國重修雍正二年巡撫裴率度修乾隆四十六年南昌知縣李洗心修嘉慶八年

敕封靈感普濟之神道光二十三年紳民捐修咸豐三年巡撫張芾奏請加封神號

御賜誠祈應感額並准以萬壽二字顏宮同治十年閩省紳商

捐修

府志

玉隆萬壽宮在逍遙山舊名遊帷觀即許遜故宅相傳遜嘗以五色帷施謚母祠及仙去帷還故宅因立觀南唐徐鉉書額宋大中祥符三年更今名宮內有逍遙閣元泰定三年修

元柳貫記郭景純與許旌陽同時常爲旌陽相宅得孫章西山之陽曰逍遙山

者居焉後於其地拔宅升真卽建游帷觀改玉隆萬壽宮游帷者昔旌陽上升時嘗飄墜錦帷其處名之卽以

其實也玉隆者度人經三十二天號有太釋王降騰勝
天謂是宮爲羣帝所館安知玉隆騰勝不在茲乎實之
欲以其名也觀肇興於晉而盛於唐尤莫盛於宋朱祀
將四百而是宮之營繕見於紀載者二大中祥符之緒
構其力出於郡人光祿寺丞胡公仲容而王黃公實記
之政和丙申之恢拓其費出於係省之官錢其圖準西
京崇福之舊制於是內出玉冊遣師臣加上尊號又詔
侍從升朝官爲提舉宮事其祠秩之次寢比隆於岳鍾
矣然則祀隆而官盛非以昭應之受書玉清之定鼎實
會乎其時哉至元丙子宋社既屋有司上江南名山仙
迹之宜祠者於禮部玉隆與居其一故凡主是宮幸被
受璽書如令至治元年臨川朱君思本實嗣居其席始
至見十一大曜十一眞君殿祖師堂摧剝弗治位置非
據謀將改爲則以狀請於教主嗣漢天師會元教大宗
師吳公亦以香幣來祠因各捐資倡首而施者稍集掄
材庀工有其具矣蓋宮制二殿中峙廂序參列於前而
分畫其中以左右拱翼通相藏室之北據故構新作別
殿六楹東以奉十一曜眞形之像西以奉吳黃十一眞
君之像夾輔面背各有攸尊亦既無紊於禮又卽十一
眞君殿舊址築重屋一區上爲青元閣下爲祠凡自唐
以來嘗有所施與當主興造之官寮以及歷代住持同
袍土庶之有功德者皆列主而祠每三七日集眾焚
誦歲時潔羞薦饗視子孫安侑之意無弗逮焉經始於
泰定二年之八月閱三年而考其成朱君過余請記自

始有宮迄今何啻千年營繕之功不一而獨祥符政和
得傳以其有記故也然則朱君之爲是役績用章灼如
是欲不記得乎朱君字本初受道於龍虎山中而從張
仁靖真人扈直兩京最久學有原委嘗著輿地圖二卷
刊石於上清之三華院云
明萬曆十三年重修十七年有人刷地得
金龍玉簡今藏鐵柱宮

國朝順治初年郡紳熊文舉修同治十三年闔省紳商重

修

府志

藥王廟在磨子巷文昌宮右今名三皇殿

府志

劉猛將軍廟一在省城隍東偏祀司蝗神雍正二年始

列祀典

謹案神舊傳爲南宋劉宰或云元指揮劉永忠沂州府志以爲宋劉錡王鰲姑蘇志作劉銳劉

錡之弟

道光四年兩江總督陶澍奏請修廟

御賜神參秉畀額始建於此一在百花洲東湖書院右咸豐八

年布政使龍啟瑞建

府志

天后宮在府署左雍正中奉

敕建乾隆四十三年五十一年先後修葺嘉慶六年增設天后

父母神坐八年新建知縣吳元吉建後殿道光元年知

縣李蔭樞重修

府志

東嶽廟南昌縣境有三一在進賢門內大街曰古東嶽
廟一在永和門外宋時建後燬於兵

國朝康熙八年巡撫董衛國重建道光三年修咸豐初燬
於寇同治五年修一在武陽渡康熙十三年簡親王平
耿精忠還軍建其在新建縣境者永和門內毛家橋嘉
慶十六年南城紳士曾煥捐建

府志

風雨池廟在吳源山下唐開元中張九齡爲洪州都督
禱雨有應作詩記之貞元中觀察使李兼禱雨復應宋

淳熙九年夏旱帥漕遣禱有物如蝦蟇登於几未幾雨

如注因奏立廟

謝志

順濟廟在吳城山下有龍穴闊一丈深不可測宋大中

祥符六年於穴西立廟封順濟侯御製戒蛟文刻於石

熙甯中加封順濟王

謝志

宋蘇軾順濟廟石碣記建

北歸艤舟吳城山順濟龍王祠下既進謁而還道遙江
上得古箭鏃吳城山順濟龍王祠下既進謁而還道遙江
曰異哉此孔子所謂楷矢石碣肅愼氏之物也何為而
至此哉傳觀左右失手墜於江中乃禱神願探得之當
藏之廟中為往來駭心動目詭異之觀既禱則使人沒
求之一探而獲謹按禹貢荊州貢礪砥礪丹及箇絡楷
梁州貢瑇瑁鐵銀鏤砮磬則楷矢石碣自禹而來貢之矣
然至春秋時雋集於陳庭楷矢貫之石磬長尺有咫時
人莫能知而問於孔子孔子不近取之荆梁而遠取之
肅愼則荆梁之不貢此久矣顏師古曰楷木堪為笥幽
以北皆用之以此考之用楷為矢至唐猶然而用石為
砮則自春秋以來莫識矣可不謂異物乎兗之戈和之
弓垂之竹矢陳於路寢孔子履藏於武庫皆以古見寶
此矢獨非寶乎順濟王威靈南放於洞庭北被於淮泗

乃特爲出此寶軼不敢私有而留之廟中與好古博雅君子共之以昭示王之神聖英烈不可不敬者如此

天花宮在狀元橋護國禪林之西嘉慶七年建黃府志

記神痘之說起於宋代而其神則道家真誥所稱掌痘曹大仙姑世所祠三神像皆隸部下傳聞如此然載籍無明文吾又聞諸友人某鄉嘗降乩乩動曰吾痘神也名號與世所傳無殊然亦迹涉杳茫安知非業醫者假扶乩以神其說又安知非乩神之名號莫得而稽矣然而神之痘神以自蔽乎然則神之名號莫得而稽矣然而神之靈爽固昭昭矣吾嘗見出痘之家嬰兒所居之室必潔不可穢祀神必誠不可褻違者輒有咎嬰兒口中往往自仙姑來仙姑去爲父母者齊心祈禱其應如響則信矣神之爲靈昭昭也非傳所云洋洋乎如在上帝如在左右者乎吾又聞岐黃家有痘疹原於胎氣與地氣之論夫人之生也天命之性無不精明而氣質則不能無濁有明而無蔽痘疹乃所以去其濁開其蔽使之昭質無虧以適還乎清明之體而爲之神者亦即天地清明之氣所爲組紕於兩間而以平造化之憾以消斯人之疵累使之共適於仁壽之天其有功於人何如邪記有之凡有功于民者皆祠之神之宜祀也固然然世所祠痘神何以皆女像曰此亦毋庸深辨吾聞昔者普也薩者濟也神之變化不一其以爲慈悲普濟斯世則一觀音菩薩亦女像也必謂觀音爲女化身非女化身

亦愚矣且古之愛民者曰若保赤子言愛民如赤子也
今人自始生至於成童數歲之內無賢愚貴賤必皆出
痘出痘之時必仗神以爲之呵護神之保赤子何異慈
母哉夫保赤子如慈母是真無人而不愛則亦無人而
不當敬以祀之以答其貺無入而不當祀則亦無地而
不當專以祠祀之以棲其靈會垣諸神廟類皆備舉崇
飾而痘神獨闕如心竊戚焉適大庾戴若齋先生星子
項豫齋先生與余父有同志遂相與鑛金建修前爲大
門中爲正殿後爲禪堂通計十三間四周以垣基長十
七丈廣六丈有奇又東圍牆外房屋一所計八間工既
竣某承父命及兩先生意列書樂助名氏泐於壁而爲
之記其緣起如此若夫神之名號載籍既無明文轉相
附會殊乖敬謹之意神有功
於痘卽以痘神奉之其可

英澤廟在南昌安仁鄉祀杯山之神

謝志

澹臺祠在承恩寺東卽舊總持寺左祀魯武城澹臺子

羽宋淳熙元年漕使程大昌創建築堂曰友教堂後爲

澹臺墓

程大昌記豫章總持寺之東有澹臺子羽墓本圖經所傳爲信也司馬遷記子羽從弟子三百

人南遊至江班固又言子羽居楚友教士大夫豫章在春秋爲楚則子羽宜有墓然京相璠記子羽泰山南武

城縣人也。有冢水。經陳留裴氏鄉。又有子羽冢。是一子羽也。而稽之圖記。其墓三出矣。酈氏雖知泰山陳留必有一誤。顧不敢堅決。以爲孰是。則豫章圖經。其得獨爲信哉。且子羽名施。後世自子游之。宰武城。始以予所聞世蓋有四武城也。左馮翊清河定襄。皆以名縣。而清河特曰東武城者。以其與定襄皆隸趙。且定襄在西。故也。若子游之所嘗宰者。則魯邑而東武城者。魯之北也。故漢儒又加南。以別之。史遷之傳。曾參曰。南武城人者。舛加也。論語無此也。子羽傳正。次曾子遷。務省文。故敘其邑里止曰武城。至京氏。則指其墓在南武城縣。明其爲魯也。夫子嘗欲適趙及河。而返曰。洋洋乎。某之不濟此命也。韓愈亦曰。孔子西行。不到秦。是秦趙之地。皆未始經行也。語曰。子之武城。聞絃歌。之聲。是絃歌遷志。遂定武城乎。聞之。豈其秦趙歟。東武城有絃歌臺。遷志遂定著以爲子游所宰之邑。則誤矣。夫聖賢遺跡。眾矣。詢考二事。其眞僞固已相半。其可勝辨哉。雖然。予於其僞也而有喜焉。受之鹿臺。難之石柳。徧四海。無複出者。荆山厯山。首陽。則不一其地。後世去古聖賢絕遠。既無所事。畏亦無所爲。諛而爭獵。以自夸耀。於是有一事而彼此互相同者。此其意豈不甚可喜也哉。嗚呼。其可以使人慕尚如此。無乃聖賢之澤久而不泯也歟。其亦民之秉彝者。無古今之故。好是懿德也歟。則其僞也。乃其所以爲可尚也。況今之疑。未必非昔之信者歟。淳熙元年。予將江西漕。過了羽墓。嘆曰。楚在春秋。士能讀典墳。邱索已

博矣其後屈宋遂爲儒宗非友教遺澤歟
其尊嚮固宜遂築堂祠之命曰友教云
明洪武開參

議李思聰萬厯閒知府范涑先後重修
范涑記道莫盛

賢莫盛於聖門其在中原者亡論已自大江之南以西

凡得聖道遺化以迄於今蒸蒸然賢哲輩出與中原文

獻相角力者溯其由則自澹臺氏始夫澹臺魯產也子

游幸武城亟稱之曰行不由徑非公事未嘗至於偃之

室至聖如尼父惟恐以其貌失之賢可知矣其後七十

子各以尼父之道傳之四方而澹臺氏乃南遊於江設

取予去就友教乎國人道大行士宗其學沒相率而視

之以故豫章郡今有澹臺墓祠在東湖之上總持寺之

東宋以前興廢不可攷清熙中轉運副程君大昌作友

教堂爲專祀元季以兵燹廢明興洪武三十年參藩李

君思聰重構立遺像輪奐鼎新東城西若干丈南北若干

尺備載於記宣德二年郡教授宣城陳銓請於侍御司

府再葺之正德十年復修飭門宇石砌其土崩者有督

學使田君汝耆爲之辭歷今又七十餘年矣余守豫章

首謁祠展墓有味乎友教之旨也乃進多士商之士各
守其新說或曰良知或曰心學以爲知本是固然矣獨
不曰武城之所爲亟稱者乎不徑趨不苛調率履正直
藩籬嚴固總歸於忘私於制行之確見其知於修身之
密見其心是謂直內方外一以貫之嘗觀曾子子思子
學術與澹臺氏同而其述天子庶人之學與三重之制

至於建天地質鬼神考前俟後一本之於吾身信乎躬
 行之君子難矣哉藉合徒涉想像元解以從事於無何
 有之鄉而使入視之如雷電鬼神不可測識者非所會
 於澹臺氏之堂也即史稱南方之學得聖道之英華者
 莫如子游及其訓子夏門人必以有本望之則子游於
 本末之辨殆諄諄焉以子游有本之學而稱澹臺氏不
 越乎所履聖道從可知矣於是與多士瞻祠地者久
 之而祠鄰於朱邸歷年遠垣圯稍稍損於鄰之先世余
 乃從多士所請為查往驟恢擴其故址坳者築縮者闢
 未繕者增嚙者聚為菴苑者飭以駿蔚凡為櫺為費及
 墓之後堂之前左右庖福阿翼之數浮於昔有差總周
 垣以內度之廣前四十三尺中四十八尺後五十五尺
 袤左一百五十尺右一百六十三尺鄰邸出緡錢十五
 千抵損值餘緡以千計者給二十有五悉公帑民無一
 瓦一木之費自萬歷丁亥年六月逾冬十二月役罷皆
 南昌何令選董其成纖細具中度令復伐石請記余言
 不文惟述祠之所由與土之宜為先賢所學者樹之堂
 側以折衷於實修君子且諗之曰為政急於知務武城
 絃歌得人先之詎謂世無澹臺氏也

國朝同治十一年巡撫劉坤一重修其移建府學南者今

為友教書院

謝志
楠案

江東廟在廣潤門內祀秦人石固漢灌嬰擊南粵神告

以克捷之期故祠之

謝志

章江廟在德勝門外祀漢郡人章文宋大觀二年以應

禱賜額需澤王廟

謝志

龍沙廟在新建縣治北卽賈萌廟今廢

謝志

長沙八角廟在南昌十七都滁槎祀漢番君吳芮及梅

銅

謝志

劉城廟在南昌歸德鄉祀漢揚州刺史劉繇宋乾道七

年以捄溺功賜額仁濟

謝志

長募廟在南昌城東二十里祀漢劉岱

謝志

譙侯廟在南昌城南祀漢奉車都尉荊州刺史譙重

謝志

王中尉廟在新建昌邑山祀漢中尉王吉

謝志

吳王廟在新建昌都鄉祀漢孫策一在西山吳王嶺

謝志

何無忌廟在新建生米鎮祀晉江州刺史何無忌無忌

討盧循戰死豫章民爲立廟

謝志

罕王廟在新建遊仙鄉晉司馬儀嘗敗吳孫昭將黃皓

徐淵兵於此後中飛矢沒葬于潭源儀三子孚應慶善

昭利合裨將王威等伏兵破之淵皓俱死晉人以山寨

悉平名其地曰太平鄉與遊仙鄉接壤立廟以祀罕王

父子並其將佐或云罕王昭烈曾孫劉獲也

謝志

方岡祠在新建西山祀晉黃仁覽相傳季弟好獵仁覽

折草化鹿止其妄心後弟亦仙去故並祀焉

謝志

五賢祠舊在迎恩坊祀漢梅福陳蕃徐穉晉范甯唐韋

丹宋慶厯七年知洪州張瓌建淳熙七年遷於府學

謝志

梅仙祠在府學旁祀漢南昌尉梅福元始中王莽顓政

福棄妻子去九江宋紹興初封吏隱真人

謝志

徐孺子祠一在東湖南孺子宅故址又云孺子亭南唐

時重建範土爲像徐鉉記略天之愛民甚矣雖數有治

時舛其運則教垂於後雖銷聲滅迹全身遠害不德而

德普逃名而名揚擲筆築宮禮重於列國式閭表墓道

光於無窮舉善而教政之大者也恭惟我祖炳靈前國

舊宅界乎仙館高臺峙乎澄波孺亭之稱海內瞻仰名

公良牧代加崇飾千載之下猶旦暮焉丞相司空鄧王

以茂親之重膺分陝之權思老成之典型仰高山之景

行不言而信不肅而嚴乃命經營將從締構九成方起

百堵未周甲子歲入秉國鈞以武昌連帥侍中濟南公

代司宮箚公致用以武從政以文武昌連蕭規率由周禮

再廢成制詳考舊基夷坎窞而就平裨崖岸而增固乃

崇堂與乃加藻績右嚴樽坫之序左設庖膳之區前臨

康莊旁眺城闕平湖千畝凝碧於其下西山萬疊倒影

於其中依然懸榻之場想見致芻之狀與夫洪崖之館

絢綵於煙霞滕王之閣騫飛於雉堞南州之物象備矣

前哲之光靈萃焉嗟乎君子興一役建一事於時必可

頌於後必可觀茲亭之作也都人朋悅過賓矚目紀於

方國之史播於樂職之詩鉉也幸承燕翼宋熙甯中知之謀獲忝翰墨之任俾垂不朽敢憚燕音
洪州曾鞏卽故處結茅爲堂曾鞏記漢自元興以後政
崩爲惡中材顧望不知所爲漢旣失其操柄紀綱大壞
然在位公卿大夫多豪傑特起之士相與發憤同心直
道正言分別是非白黑不少屈其意至於不容而織羅
鉤黨之獄起其執彌堅而亡當是之行彌厲志雖不就而忠有
餘故及其旣沒漢亦以亡當是之時天下聞其風慕其
義者人人感憤激至於解印綬棄家族骨肉相屬皆逡巡而
死而不避百餘年間擅強大觀非孺子於時豫章太守
陳蕃太尉黃瓊辟皆不就蓋其力也孺子於時豫章太守
禮召皆不至蓋忘己以爲人與獨善於隱約其操雖殊
其志於仁一也在位士大夫抗其節於亂世不以生
動其心異於懷祿之臣遠矣然而不屑去者義在於濟
物故也孺子嘗謂郭林宗曰大木將顛非一繩所維何
爲棲棲不遑甯處此其意亦非自足於邱壑遺世而不
顧者也孔子稱顏回用之則行舍之則藏惟我與爾有
是夫孟子亦稱孔子可以進則進可以止則止乃所願
則學孔子而易於君子小人消長進退擇所宜處未嘗
不惟其時則見其不可而止此孺子之所以未能以此
而易彼也孺子姓徐名穉子其字也豫章南昌人按
圖記章水北逕南昌城西歷白社其西有孺子墓又北

歷南塘其東爲東湖湖南小洲上有孺子宅號孺子臺
吳嘉禾中太守徐熙於孺子墓隧種松太守謝景於墓
側立碑永安中太守夏侯嵩於碑旁立思賢亭世世修
治至拓跋魏時謂之聘君亭今亭尚在而湖南小洲世
不知其處結茅爲堂圖孺子像祠以中牢率州之賓屬拜
焉漢至今且千歲富貴湮沒者不可勝數孺子不出閭
巷獨稱思至今則世之欲以智力取勝者非惑歟孺子
墓失其地而臺幸可考而知祠之所以示南渡後廢乾
邦人以尚德故並采其出處之意爲記焉
道中轉運副使沈樞重建元至正末燬於兵一在東湖
東南昌學前之左又名高士亭明洪武七年知府許方
卽宋環波亭故址建新祠永樂閒巡按御史張庸拓之
胡儼記水經酈道元云贛水北逕南昌縣西歷白社其
西有徐孺子墓又北歷南塘其東爲孺子宅西歷白社其
洲上豫章續志云孺子亭卽孺子宅也舊宅在洲東北
三里許涂廩古今志及寰宇記皆云在梅福宅東陳蕃
爲遷於塘東百步湖南際小洲上卽酈道元所云者自
唐以來於其所作亭宋初王明爲守更新之易爲廣廈
未知何時復毀南豐曾公繼爲守始卽其處結茅爲堂
圖孺子像而祠之亦曰湖南小洲上有孺子宅號孺子

臺蓋曰宅曰亭曰臺皆卽其處而世易其名耳元初江
西行省參政東平徐炎重作之至正末燬於兵故處沒
爲民居高橋之南有孺子亭蓋自唐有也考之郡志唐
宣宗時塘東有三亭曰涵虛曰孺子曰碧波乾符中俱
廢洪容齋曰碧波後爲孺子祠高橋之孺子亭予幼時
嘗遊其下土阜屹立有亭巋然祠孺子範士爲像乃漢
衣冠也洪武甲寅都指揮宋晟以其當行道平之太守
許方遂遷祠於環波亭者宋熙甯中張帥子顏卽涵虛
於湖矣環波亭者宋熙甯中張帥子顏卽涵虛廢亭所
建後亦廢故高橋之祠遷立焉祠枕湖風雨所會歲旣
久而祠益壞永樂癸卯秋監察御史張公庸調祠慨然
有志新之郡庠生黎彥常陳昶因勸率好事者鳩工聚
材以成其志於是參政樊公敬憲副成公均各以其祿
助之作祠堂三間廣二十四尺深加廣之數二尺煢然
壁而繚以垣中肖新像外樹門屋規制一新丹碧煥然
於湖光煙水之間五閱月而告成旣成又五年而求余
爲之記嗚呼孺子平生志行見諸史其高風清節重於
當時稱於後世千百載無異詞誠獨行之君子哉抑嘗
論之伯夷之清柳下惠之介孺子有焉若孺子者夷惠
其本末使來崇禎初推官李嗣宗以穉子允門人張遐
者有徵焉

配享後經兵燬

國朝康熙二十九年巡撫宋犖率僚屬重新之唐宋犖記

簡命來撫江西不敢以俗吏之簿書期會謂畢吾職意
必張國維振風俗使閭閻知有為善之慕然後教可入
而政可徐成夫晚近之人必樂則思淫貪則走險士不
知聖人之言為何用甚至奔競黃緣自鳴得意有不知
節之當貞而名之可惜者矣彼東漢之士出者以身殉
節處者高蹈不返雖不能如聖人之速國家之禍何如
其進無所為徒務建樹之名而速國家之禍何如超然
遐舉為冥鴻之不可得而弋乎易曰樂則行之憂則違
之若徐孺子者蓋明於憂違之道而非膏肓於泉石者
也常其微車屢至潛守彌堅鵠踞焉翫焉耕山漁水
沒世而不出倘非有所以自得於己者何以能確乎無
悶不為世所轉移邪嗟乎孺子一布衣到今千五百年
挹其高風如昨日事天下後世何負於姱修凡為志士
何不各滌其私利之念以庶幾名清行潔而不愧先民
之遺範也哉陳仲舉守斯土下車即造孺子之廬予以
鄰境有故需之匝月始克訪其墓於斷煙殘礫中亦已
後矣當讀晉文定高士祠記言孺子墓已失其地悵快
者有年茲檢郡乘乃知宋南昌尉張敬之以桑扈得之
而證於圖牒其旁七里并猶未堙也墓之有祠明天順
閒蕩為牧場又不知幾何年矣予率屬捐俸錢新之清
風之堂巖巖若泰岱入門憑弔無不生其敬慕者緇衣
之好人同其心吾知必有相觀而興起者矣墓之陽即

仲舉祠名曰楊里若賢賓主相顧盼然予無德不足以致高士不然予楊亦有厚幸也

乾隆三年

巡撫岳潛以環波舊祠改建講堂清風亭道光元年南

城紳士曾煥重修十七年巡撫陳鑾修講堂同治七年

北瀝徐氏後裔重修

謝志府志

陳司徒祠在進賢門外徐孺子墓南祀漢豫章太守陳

蕃明宏治間都御史林俊檄知縣杜濬重建正德開學

使李夢陽萬厯間知府范涑修祠南二十里有高風廟

亦祀司徒

謝志府志

二聖祠在進賢門內祀關帝及馬祖明御史許世昌創

建

國朝康熙五十九年布政使許兆麟重修

謝志

溫忠武廟在進賢門外祀晉江州刺史溫嶠

謝志明胡儼碑記

豫章城南有晉侍中大將軍溫忠武公廟者以公之墓
在也公咸和初爲江州刺史持節都督征南將軍鎮武
昌豫章乃江州刺史治所也公至豫章親祭徐高士之
墓仰其風節愛其山川言於朝曰豫章十郡之要宜以
單車刺史居之雖不行而心實重焉故臨終之日與
陶侃書蓋公之葬豫章侃從公之意也後朝廷追公勳
德將爲造大墓於元明二帝陵之北侃上表并公書得
停移葬今廟之後有坎隱然實公之墓故老相傳舊碑
載墓去廟三十步初廟近排岸司頻於江歲久爲水藺
今廟徙墓夷矣而舊碑亦湮沒世俗無知者因訛爲宋
司馬溫公豈以祀禱者輒不得卜復禱曰廟無碑豈非欲
事惟謹有以祀禱者輒不得卜復禱曰廟無碑豈非欲
得祭酒之文乎遂得吉卜嗚呼公之事載諸史冊豈一
然輝映今古公之精神上下與天地同流互千載猶一
日豈以余言爲足傳邪特以余能證其訛耳謹取公之
履歷始終大概著於後使讀者知公不復訛爲涑水先
生也按傳公諱嶠字太真河東太守恪之子也初爲都
官從事東閤祭酒補上黨潞合北平大將軍劉琨夫人
公之從母也琨請公爲參軍復爲從事中郎上黨太守
加建威將軍督護前鋒軍事將兵討石勒屢有戰功琨
遷司空以公爲右司馬屬二都傾覆元帝初鎮江左琨
以公爲左長史檄告華夷奉表勸進帝嘉之尋拜散騎
常侍歷驃騎王導長史遷太子中庶子明帝卽位拜侍
中轉中書令王敦逆謀表補丹陽尹公還都奏之加中

壘將軍持節都督東安北諸軍事及敦兄王含同錢
鳳奄至都公燒朱雀桁以挫其鋒擊含敗之封建甯縣
開國公進號前將軍時歷陽太守蘇峻藏匿亡命朝廷
疑之公遂有江州之命未幾果反公屯潯陽遣督護王
愷期西陽太守鄧嶽鄱陽內史紀瞻等率舟師赴難及
京師傾覆公乃遣王愷期奉征西將軍陶侃為盟主於
是侃率所統與公同赴京師戎卒六萬旌旗七百餘里
直指石頭公又於四望礮築壘以備賊侃督水軍向石
頭公與庾亮率精勇從白石以挑戰時峻勞其將士因
醉突戰馬躡為侃將所斬峻弟逸及其子碩嬰城自固
賊將匡術以臺城來降為逸所擊求救於公從別駕
羅洞言進攻榻術遂破賊石頭軍奮威長史滕含抱天
子登公舟時陶侃雖盟主而處分規略一出於公及賊
咸拜驃騎將軍開府儀同三司加散騎常侍封始安郡
公邑三千戶議將留公輔政公以王導先帝所優固辭
還武昌公先有齒疾至是拔之因中風至鎮未旬而卒
年四十二江州士庶聞之莫不相顧而泣帝下冊書追
贈公侍中大將軍持節都督刺史公如故諡曰忠武祠
以太牢公之末著於王室而豫章之微能以忠勞定
國豐功偉績不獨著於王室而豫章之微能以忠勞定
峻之禍公之利澤深矣公不棄豫章而受靈於此豫章
之人豈能忘公此所以世世祀之而不絕也公之祀因
祭法余故表而出之求余文者鄒鵬南復作詩以遺之
俾與其鄉人歌以祀公其詞曰五馬浮江典午微中原

塞擾竟莫支惟公天授豪傑資宏毅有猷復有爲仗劍
南來歷嶠崎翼戴王室昌厥詞羣賢滿朝挹光儀王事
靡盬勞驅馳逆教憑陵肆侮欺神器震搖網紀縻斷析
扼險計出奇指顧之間含鳳披凶峻結約偏郊畿乘輿
播越徒嗟咨公復奮身舉義旗感激將士張國威羽書
四發如星飛征西遂下荆南師指揮嶽瞻與愆期白石
之役天相之礪厥醜類無孑遺策勅錫爵同三司廷議
所留公固辭旋離南經牛渚磯星光下燭號蛟螭詔然
歸鎮會幾時奄忽神遊哲人萎遠邇聞訃淚漣而邱墓
千載江之湄祠宇雖存人莫知神明昭格於赫曦井邑
庶民實思有牲載俎酒

文孝廟在德勝門外世傳祀梁昭明太子蕭統

謝志

黃司空廟在進賢門外祀陳都督贈司空黃法甌

謝志明

黃在裴記豫章城南三里許爲南雩雩三面環三祠雩
東行數百武迤邐而北極於平田徐孺子墓在焉墓稍
南爲漢陳司徒蕃祠又西止於江爲晉司馬溫公嶠墓
墓右爲祠近爲大族所廢東北里許爲司空黃公祠仲
舉太眞事皆表著豫章人人能言之唯黃公起梁陳間
南史稍軼祠亦雜穢與諸神廟等雖春秋血祀不異而
問司空遺事則豫章莫知爲何也新安范公博物朗識
治先教化舉廢興陞甫下車卽修葺澹臺孺子諸祠墓

所在弔軼景哲敬遐詔來人士翕然向風次復溫司馬
墓歸侵祠址修陳司徒祠黃司空祠闢名搗實鳩工庀
材不芥月而封樹增崇廟貌改煥志功德示不忘也三
祠鼎然於南雪之閒高風在望余忝幸而在事諸祠墓
范公業已有記會司空祠新建巴嶺以記屬余安能爲役哉
按司空諱法範字仲昭新建巴嶺人史稱其忠義有膽
力能距躍三丈曰行三百里此之爲異已自天授又燭
書疏明簿領爲士民所推卽所著持居然經世之規援
景之亂公卽合徒里閭內爲桑梓保障外爲建業應援
何其烈也時太守賀弼下江州公以監知郡事起召無
何陳武帝將入援金陵李遷仕中梗帝命周文育領西
昌爲備公以兵資文育破遷將而自屯新淦據豫章上
游已而侯景遣于慶政豫章將揜公不意公卒破于慶
殺之自是景終不得窺大豫章將揜公不意公卒破于慶
知有逆順羣兇不敢相附諸鎮之援俾得自堅公之力
也改領高州刺史封新侯永定二年新吳人余孝頃
據豫章與周迪禽孝頃以功授平南將軍開府儀同三
司已而迪反公又平之內史熊曇朗反金口公又平之
累功進爵爲大將軍領江州刺史光大二年大舉北伐
公爲都督出歷陽大收礮車步繼之功進兵合肥禁侵
掠躬勞撫則又發髮乎仁義之師矣比加侍中封義陽
郡公鎮壽陽薨贈司空諡威豫章人血食之自梁陳以
來至今未改也嗚呼江州高州公蒞政郡也與豫章不
相及豫章人何以祀公蓋豫章者交廣之襟喉吳楚之

要會金陵之門戶也豫章不守則金陵受其衝交廣之
貢賦不入楚蜀之委輸必斷故公一守豫章而于慶之
襲敗孝頃之據敗曇朗之叛敗公雖無煦煦偏拊之政
而大有造於豫章者三焉況身犯鋒鏑履危險出民水
火而厝之衽席之安此其為烈又豈一粟一帛之力哉
天以豫章賜公千世食邑此所謂禦大災捍大患則祀
之宜也靈光歸然高山仰止謹稽首為之銘曰天柱正
傾地維紐絕濟時艱難非才則裂冠披髮爭驅梁陳之李
蠶彼逆兇窺我神器日月蔽虧宇宙昏蒙物情大駭蕩
然無庸挺生英哲實起柔梓誓眾勤王指顧摧靡通援
建康通振西昌新塗既起羣醜戮亡北伐之師凜凜而
制威敵以謀禁掠以義誨羣豫章維公故里沒世不忘
廟食於此范公為政仁風在茲景仰高躅復新厥祠蘭
鐙桂醕琴瑟既具萬舞斯聞神其至止願言祝之福我
元元十風九雨陰陽幹旋神亦告
余鑒於明德惠我氓兮乃土乃粒

武烈廟在高士坊祀陳江西巡察大使陳果仁唐封忠

烈公南唐時以神兵助戰冊加武烈帝

謝志 謹案陳果仁見新舊唐

書沈法興傳並非陳官故不列職官表

孚應廟在修仁坊相傳唐隱士姓崔自分甯遊此值城

中患疫以丹擲并折柳示人汲飲病者即愈敕建佳山
孚應侯廟明萬厯間南昌張位題額曰佳山福地或云
神晉人姓崔名子玉唐憲宗得奇疾諸醫不效忽見道
人賣藥於都市進一粒而愈問其姓氏曰臣豫章人崔
姓俄不知所往遣使覓之乃於此得崔公祠詔封英烈

侯謝志

武陽郡公祠在章江門外祀唐觀察使韋丹大中三年

詔尙書司勳員外郎杜牧撰功德碑銘杜牧碑銘皇帝

殿講議政事及於爾吏且稱元和中興之盛言理人者
誰居第一丞相韓言臣嘗守土江西日觀觀察使韋丹
有大功德被於八州歿四十年惟老歌思如丹尚存丞
相敏中丞相植皆曰臣知丹之爲理所至人愛所去人
思江西之政熟於聽聞乃命守臣紇干泉上丹功狀大
中三年正月二十日詔書授史臣尙書司勳員外郎杜
牧曰汝爲丹序而銘之以美大其事牧伏念天寶建中
踐難之餘恨於河北枝蔓於齊魯梁蔡闕爲章句書生

以蜀叛鉤爲宗室老以吳叛其他高下其目政而欲飛
者往往皆是憲宗皇帝高聽古議廣諫益聖任賢使能
考校法度號令未出威先雷震十有四年禽殛兇狠方
行四海罔不率伏當時凡五徵兵解而復合僅八周歲
天下晏然不告勞苦實以守土多循良吏而丹居第一
周召伯治人於陝西召穆公有武功於宣王時仲尼采
甘棠江漢之詩絃而歌之列於風雅班固序漢宣帝中
與名臣言治人者亦首述黃霸遂次將相下今下明
詔刻丹治效令得與元和功臣彰中興得人盛懸於
無窮明古道也謹案韋氏自漢丞相賢已降代有達官
孝寬有大功於後周封鄆國公鄆公曾孫幼平爲岐州
參軍生抱貞爲梓州刺史梓州生政爲漢州雜縣丞贈
右議大夫爲梓州刺史陽公字文明以明五經登科
授校書郎咸陽尉以監察御史殿中侍御史佐張獻甫
於邠甯府徵爲太子舍人遷起居郎檢校吏部員外郎
侍御史河陽行軍司馬未行改駕部員外郎會新羅國
以喪來告且稱立君拜司封郎中兼御史中丞章服金
紫弔冊其嗣新羅再以喪告不果行政容州經略使築
州城環十三里因悉城管內十三州教種茶麥多開屯
田黃賊畏服詔加大中大夫貞元未拜河南少尹連拜
檢校祕書監兼御史中丞鄭滑行軍司馬皆未至拜右
諫議大夫憲宗卽位劉闢以蜀叛議者欲行貞元故事
請釋不誅公再拜上疏曰今不誅闖則朝廷可以指臂
而使者唯兩京耳此外誰不爲叛因拜劍南東川節度

使兼御史大夫時劉闢急攻梓州公至漢中表言攻急
守堅不可易帥高崇文客軍遠關無所資若與梓州綴
其士心必能有功遂召拜晉慈隰三州觀察使洪州
元和二年二月拜洪州觀察使洪州餘烈日久風竹
一都會屋居以茅竹爲俗人火之盜燥必火作火水
焚小至百家大至盪空霖必江溢燥必火作火水夾
人無固志傾搖懈怠不爲旬月生產計公始至任計
取俸除去冗事取公私錢教人陶瓦伐山取材堆疊
計人能爲屋取官材五免其半賦徐責其直自載酒食
以勉其勞初若難日成月就下二歲凡爲瓦屋萬
四千間樓四千二百間縣市營廩名爲棟宇無不創爲
派湖入江節以斗門以走暴漲闕開廣衛南北七里
漢汴壅築隄五尺長十二里隄成明年江與隄平繫
百畝塘灌田一萬頃益勸桑苧機織廣狹俗所未習教
勸成之凡三周年成就遂手爲目觀無不如志公之
爲政去害與利機決勢去如孫吳乘敵不可當向輔以
經術仁撫智誘慈母之心赤子之欲求必得之故人自
盡力所指必就子產治鄭未及三年國人尚謗黃霸治
穎川前後八年始曰愈治考二古人行事與公相次第
不知如何元五年薨年五十八其銘曰章武皇帝相
攘經營凡十四年五大徵兵人不告病肩於太甯將相
是矣豈無循良考第治行誰高武陽武陽所至爲人父
母於洪之功洞無前古洪始有居水火是苦二者夾攻
死無處所曰天使然不嗟不訴武陽始至材瓦是聚公

錢不足以俸為助能為居守貲貸付與月載酒銷如撫
稚乳不督不程誘以美語未二周星創數萬堵幾半重
樓如詩輩羽錮以長隄繚四千步明年水平人始歌舞
災久事鉅一日除去灌田萬頃益種桑苧俗所未有罔
不完具寂寥千年誰守茲土大中聖人元和是師圖讚
功勞武陽豈遺乃命史臣刻序碑詞寵假武陽為人慰
思訓勸守吏覆以石亭後丹子宙復為觀察使建寺亭
勉於為治旁置田以供香火明隆慶中裔孫用賢即碑亭故址建
祠

國朝康熙中燬於火裔孫經學重建雍正二年復燬裔孫

弁綸重建九年再燬裔孫嘉會修葺之梁機記距勝王閣

屋若干楹濱江抵濠為韋公祠祀唐元和中洪州觀察

使韋公丹其址則公舊碑亭也公以東川節度使討劉

關移察洪州救焚拯溺教陶潛田三年澤被八州事詳

唐史宣宗敕守臣上公功狀詔史臣杜牧撰遺愛碑樹
之江干民懼其剝蝕也亭而幕之以石而石亭以名即
今公祠地也時公歿已四十年矣又以石而石亭以名即
復察洪州建寺於旁置田以供香火因奏為石亭院裴
休題額厥後宙之子孫有仕吉州而屬籍者其在泰和

則水南羅國之章是也終唐之世廟祀未議宋初祀於五賢祠又歷三百餘年至明祀於旌陽鐵柱宮最後祀於三公橋杏花邨始專祀焉正德間祠燬於兵至隆慶三年公裔孫有用賢者鳴諸當事捐貲即碑亭故址建祠祀公當事為給割置奉祀生二並以祀宙入我朝順治初中丞張公朝璘一修復之至康熙而燬於火時則有公裔孫經學重建之雍正二年又火時則又有公裔弁綸建之九年再火嘉會再建碑亭無恙祠宇更新歲時來格居然一氣之子孫斯則岷嶺歲資所未有矣弁綸之再為修建也於祠旁更構十數楹歲資所未有矣公之祀雖更百世不一在三橋東巷明成化五年知府廢焉可也是為記

王詔由鐵柱宮移建萬歷三十五年布政使陸長庚重

修以宙配後燬於兵白志謝志府志陸長庚記

距今且八百載其功德在民如一日若罷八州冗食若營南北軍舍若新廢庾為廩以蕃馬政斯元和一時地利也民苦火災則教民陶南昌之民於是乎始有五屋地卑薄告潦則派湖入江為斗門節其暴溢作長隄十有二里以捍江漲又憂民之病旱也則鑿陂塘五百九十有八灌膏腴畝萬二千有餘頃斯固元和一時利自今視之則江西百世利也斯民得免水火而食膏腴安其生業陶之利至今不衰皆武陽賜也民奈何能忘武陽

哉嘗考故記公在江西僅三年令民瓦屋若樓至萬八
千二百楹又且營軍舍新馬廐鑿陂隄江役作繁興略
無遑日有意其民謂上爲厲己也方且厭苦之匪徒厭苦
之蓋必一勞永逸垂利無窮亦至是故當年請祠而不報
安必已一勞永逸垂利無窮亦至是故當年請祠而不報
大中己巳天子覽於祕府實錄得公政績始詔觀察江
西者上公治狀而命史臣杜牧記其本末勒碑江干自
後十年而公之子宙復爲江西觀察乃建石亭碑所而
宇之猶未祠也又百八十年爲宋慶厯丁亥郡太守張
環始祠公於郡城北以漢梅尉福陳尙書蔣徐高士稱
晉范太守甯四公者合祀之名五賢祠又三百八十年
我憲宗皇帝納臬臣石璞之請得祀公於許旌陽之宮非
西北隅成化己丑郡太守王詔是以公附祠旌陽之宮非
禮也改祠公於三橋之東公於是乎始有專祠蓋公歿
愈遠而功名愈高譬陟華岱者舉羣援葛若循邱陵去
華岱數百里而遙戴日望之後乃覺其凌雲而傑曰也
禹決江潯川民聚瓦石于產爲政開畝樹桑鄭人盡嘗
之迨其成也相與尸祝而歌舞焉民之知識若此豈足
語遠大計哉公先後宦業以饒爵里具杜司勳韓昌黎
所撰碑志中茲不復述獨念先朝時公與許旌陽並崇
祀典乃其宮廟侈儉大相逕庭無亦旌陽載之不暇武陽
舉浮游與天無極足以福利於民莫之德也雖然旌陽
往矣功德在民如履后土戴皇天莫之德也雖然旌陽
斷蛟螭鎮水怪功在千載之前武陽瓦屋鑿陂派湖隄

江利施百世之後旌陽以奇武陽以正旌陽以天武陽
以人紫長校大豈可同年語哉萬厯庚子冬旌陽宮火
尺椽靡遺曾不數年材木竹石四方輻湊而旌陽之宮
復立丹青炳耀儼若天居乃公祠僻在委巷日就頽壞
新安范公守郡時嘗一修葺之今又漸圯驛傳姜公首
檄郡縣鳩工且謂予忝邦牧是有興廢舉墜之責予亦
每過其祠輒低徊久之不能去乃發諸府藏贖銀非公
賦急者召工庀材徵加宏麗正其傾欹齊其榱桷領之
璧之施粉繪焉役既告竣勒石以紀歲月嗚呼若陳仲
舉之清裁范武子之禮樂與公之事功在斯土也名與
天壤同敝者也祠之後儉祀之興廢豈足為輕重乎是為記

睢陽廟在新建吳城鎮唐時建明洪武初敕封忠烈靈

祠今呼令公廟

謝志

明山廟在南昌鍾陵鄉神姓白兄弟三人宗顏宗說宗

向以孝弟著沒而為神唐光化中建廟宋初賜額並祀

邑人李忠萬叔敬於廡

謝志

三徐祠在新建洪崖鄉祀南唐衛尉徐延休及其子散

騎常侍鉉內史舍人錯因徐氏先隴所在而祀之謝志

白馬廟祀晉許遜部將際眞護法白馬忠懿王董晉一

在高橋一在府學左一在中大街乃洗馬池故址一在

洪恩橋東謝志 府志

濂溪祠在府學右宋隆興間建謝志朱子記隆興府

立濂溪先生之祠於其學而以書來語熹曰先生之學

自程氏得其傳以行於世至於今而學者益尊信之以

故自其鄉國及其平生游宦之所歷皆有祠於學以致

其瞻仰之意若此邦者蓋亦先生之仕國也而視於其

學獨未有所祠奉瀨也既言於府而敬立之且奉程氏

二先生以配焉又將竊取其書曰與學者誦習之而患

未知其所以說也吾子幸教吾邦之人以識其意願得

一言以記茲事庶乎其有以發也熹謝不敏而黃君請

之不言熹惟先生之學之與固非末學所能知抑不為之

謂無共志者矧黃君之言其高極乎無極太極之妙而其

言蓋嘗竊取先生之言其幽探乎陰陽五行造化之蹟而

實不離乎日用之閒其幽探乎陰陽五行造化之蹟而

其寶不離乎仁義禮智剛柔善惡之際其體用之一源

顯微之無間秦漢以來誠未有臻斯理者而其寶則不

外乎六經論語中庸大學孟子七篇之所傳也蓋其所謂太極云者合天地萬物之理無不在是故曰無極而太極以其無器與形而天地萬物之理無不在是故曰太極本無極也其具天地萬物之理而無器無形故曰太極本無極也是豈離乎生民日用之常而自爲一物哉其爲陰陽五行造化之蹟者固此理也其爲仁義禮智剛柔善惡者亦此理也性此理而安焉者聖也復此理而執焉者賢也自堯舜以來至於孔孟其所以相傳之說豈有一言以易此哉顧孟氏既歿而諸儒所以智不足以及此是以世之學者茫然莫知所適高則放於虛無寂滅之外卑則溺於駁雜華靡之中自以爲道固如是而流遂及於非也及先生出始發明之以傳於賢所以相傳之實乃出天下天下之學者於是始知聖賢所以相傳之實乃出於此而有以用其力焉此先生之教所以繼往聖開來學而有以大功於斯世也今黃君既立其祠以於程氏而又欲推其說以傳學者是必有以默契於心而無疑矣而猶若有待乎熹之言者豈將以是輔其說而久其傳邪既不得辭乃敘其事而並書是語以復焉黃君苟以爲不悖於先生之言則願刻之石晉之祠門以告來者庶幾其有小補云爾

三先生祠在城內祀張南軒呂東萊陸象山宋知隆興

府吳子良建

謝志

吳子良記聖天子臨雍進周程朱張五君子於從祀薄海內知鄉方矣顧朱

予所與反覆論辨若南軒張氏東萊呂氏象山陸氏各
 以其道鳴焉子良以提學攝府事念莫先此於是始祠三
 章獨闕焉子良以提學攝府事念莫先此於是始祠三
 先生則大異矣後或謂朱子於南軒論最合東萊已小異
 象山則學之所以悖也祠之何哉嗟夫此說起道術之無
 裂心學之平所以悖也祠之何哉嗟夫此說起道術之無
 偏王道乎近世此言道本無黨偏也道本無黨偏心其可
 有黨偏乎近世此言道本無黨偏也道本無黨偏心其可
 某自呂氏陸氏隘矣哉夫當諸君子在時祇見其同心之
 同豈必其論之異縱其異也同者固自若也何謂同國
 於扶綱常同於別義利同於修己治人同於愛君憂國
 而已且夫道有體有用渾然天性之中而無物不具者
 其體也森然事物之際而無理不行者也世固有博考古
 有行不徒揣度以爲知而必著於行者是固博考古遠
 昧以爲行而要領則迷淵微則隔者矣若夫實明於要領
 稽文獻而微則所謂古今文獻者不可廢也此孔子所
 實洞於淵微則所謂古今文獻者不可廢也此孔子所
 爲剛詩定書討禮正樂而修春秋者也此朱呂之道所
 以本無小異也體用未始有異故也世固有直指本心
 自謂見性而等級則躡工程則疏者矣若夫實進於等
 級實究於工程則所謂指心見性者不可廢也此孔子
 所稱先覺爲賢心之精神爲聖知二知十爲回賜優劣
 者也此朱陸之學所以本無大異也知行未始有異故
 也嗟夫聖道公溥不可以專門私聖學深遠不可以方

冊既貫羣聖賢之旨則可以會一身心之妙充一身心
之妙則可以補羣聖賢之遺孰爲異同哉爾後學之士
其必合朱張呂陸之說而約之於顏曾思孟合顏曾思
二程之說而約之於孔子則孔子之道即堯舜禹湯文武
而約之於孔子則孔子之道即堯舜禹湯文武而約之於
孔子之學即皋益伊仲傳箕周召之學也百聖而一人
萬世而一時尚何彼此戶庭之別哉然則今
之合祠三先生也宜也非爲三先生設也

三李祠在睡仙觀側祀宋殿中丞李寅及其子侍郎李

虛已洗馬李虛舟元末燬

謝志

蘇公祠在百花洲祀宋隱士蘇雲卿明正統間巡按御

史張謙建胡儼記士君子幼而學壯而行致君澤民行

不可行材不能展勢不可爲功不能立於是遜迹山林

棲泉石而友麋鹿隱約以終其身者豈其本心哉余觀

歷代史策有獨行有隱逸等傳當時史官亦何取焉豈

不以其負才能修節義道雖未宏志不可奪縱無濟時

之功終有堅貞之操足以立懦夫之志息貪競之風其

視苟得之徒俛首低徊孰若無愧於心放身而自得此

儒先君子有取於廣漢蘇公者良有以夫公字雲卿與

張丞相德遠爲友宋南渡德遠貴顯雲卿乃遜迹豫章

結庵於東湖之小洲種蔬織屨爲業垂二十年其離羣
獨居泯其形迹蓋有慕徐孺子之風於千載之上者乎
中興國史以雲卿爲隱逸第一一人豈徒然也人謂徐孺
子爲東湖之孔明余亦謂蘇雲卿爲東湖之孺子易稱
遊世无悶詩詠考槃之歌雲卿之謂乎彼抗奮不顧果
於忘世者不可同日而語矣監察御史昆明張公仲益
巡按江西嘗閱郡志見雲卿之事喜曰是可以表世礪
俗乃告藩憲帥閩諸公謀立祠宇湖洲之故址於是邑
中尚禮之士伍伯遜秦本武李復初秦文伯萬邦奇徐
尚文魏友夏葉原中葉景夏九人者間義而興各以其
貨市材募工始事於正統壬戌夏五月告成於是歲秋
七月八甯虛明而中爲肖像煥然翼然於湖雲煙水之
間遠近瞻望莫不起敬仰益之景行先賢可謂發潛德
之幽光而雲卿之清風高致則亦與孺子之祠垂諸後
世同一後祠廢存亭

國朝乾隆四十五年巡撫郝碩於洲之東築隄以通蘇圃

改亭爲祠同治六年重修

謝志府志

江丞相祠在新建儒學左祀宋丞相江萬里久廢

謝志

萬都官廟在南昌安仁鄉祀宋都官萬俟卨

謝志

大忠祠一在五桂坊祀宋岳飛文天祥謝枋得舊在四道後街久廢

國朝乾隆十五年布政使彭家屏移祀於此一在府治西

北祀元末闔門死難俠列旌一家十人

府志

同公祠在今南昌協副將署前祀元末廉訪使經歷同同與陳友諒兵戰死於此原有祠廢乾隆十五年布政

使彭家屏復立

南昌縣志

忠臣廟在南昌五桂坊之西明洪武初敕建祀後翼統軍元帥趙德勝右副指揮使劉齊左翼元帥牛海龍樞密判官李繼先左副元帥趙國旺統軍元帥許珪右翼元帥同知朱潛千戶張子明臨江府同知趙天麟百戶徐明士伍張德山夏茂成洪都知府葉琛行省都事萬

思誠凡十四人胡儼記帝王之興必有佐命之臣際風

臨危赴急奮威敵愾踞白刃如卽甘寢殺身以成仁嬰

城而固守者非有英雄之資乘豪傑之志烏能若是之

烈哉此豫章忠臣功顯當時名垂後世廟食無窮炳炳

烺烺與國咸休有非行陣之閒積功累動之可比矣羽

元政不綱羣英並起我太祖高皇帝握乾符而興淮甸

一時龍虎鷹揚之士雲合景從翦除羣盜救民於水火

之中遂建都金陵時僞雲漢陳友諒率水軍乘風一火奄

至江西元司徒道童平章火你赤王師至九江將壓境廷

以僞丞相胡廷美守之辛丑秋王師至江西北命參政

美悖遂遣人詣軍門納款明年春王師至江西北命參政

鄧愈留守未幾廷美裨將祝宗康泰作亂愈走金陵復

命右丞徐達自屯口還師討平之於是友諒聞之乃

都督統諸將領守文正者太祖之從子也友諒聞之乃

悉眾以巨艦攻圍城自諒屢攻不克時有八十五日文正

命諸將分城拒守友諒屢攻不克時有八十五日文正

勝者晝夜巡城爲流矢中左脇而卒右副指揮劉齊德

右翼元帥同知城齊統軍元帥許瑋三人者領兵取吉

安友諒軍至掠城齊等力戰俱歿於陣左翼元帥副使

牛海龍友諒攻城急海龍突圍出戰亦中矢死樞密判

官李繼先左副攻城急海龍突圍出戰亦中矢死樞密判

敵中趙引軍燒賊艦追者至投橋而死洪都府知府葉

琛臨江府同知趙天麟江西行省都事萬思誠康祝之

建昌府

三

變琛思誠迎戰死於市天麟守臨江友諒軍攻臨江城
破天麟死之管軍百戶徐明當圍城之日友諒陰設陷
阱數臨城誘戰明乘醉躍馬出城射賊賊走明追之墮
阱中賊鉤取去誘之降不從尋殺之張子明者張元帥
之子代父爲閒使走金陵求援兵還至吳城被執友諒
強授以萬戶令其徇城紿眾降子明佯許之至城下望
城大呼曰我張大舍已見主上令諸公堅守救兵且至
我必死幸見諸公賊怒梨刺之死城下又若張德山夏
茂成二人者皆軍士性勇敢善戰德山以夜半潛出城
焚賊舟事覺遂遇害茂成守城樓當賊中飛礮而死凡
十四人其事大略如此及友諒滅上念諸將忠義命有
司立廟城中歲時祀之贈德勝高陽郡侯國公彭城侯海
龍立廟西郡伯繼先隴西郡侯瑋高陽郡侯國公彭城
侯瑋南陽郡侯天麟水郡侯伯明合肥縣男茂成總管
德山千戶子明初贈武毅將軍飛騎尉千戶後加贈忠
節侯其誥詞曰身雖被執猶盡忠言死不難易志古今所
難所以崇德報功也獨思誠之贈未聞豈禮官一時或
遺邪今都指揮同知湯節每與同列行事祠下慨然欲
表章之俾有聞於世屬記於余嘗聞諸長老曰昔王師
之蹙鯨鯢而殄豺虎如摧枯拉朽散亡之卒投戈請命此
固神謨廟略之有定然亦豫章之守有以老其師挫其
銳遂至摧敗零落而不可支吾也又嘗預聞國史頗知
其事故不辭而記之謹案正德中巡按唐龍據僣此

記請贈萬思誠官以昭忠義
 武十年丁巳遣行人李子南諭
 思誠可加贈朝列大夫騎都尉
 節胡頤菴未見此文遂疑其缺
 當時禮官有據舊文駁斥者否
 請加封否胡氏一言之差遂貽
 城名蹟記詳宏治閒重修張元
 載其文也
 有之自吾聖祖始方其得江西
 臣屬十有四人弼心死守無何
 西定矣繼是難楚獨吳嶺背海
 定矣因繼是難楚獨吳嶺背海
 方又定天下不容混一矣聖祖
 是基南方之基實江西是重而
 鄱湖倚角之勢又實江西是重
 作祀封公者一侯者七伯二男
 廟時祭報功無窮於禮為宜廟
 洪武追封之始宣德中重葺之
 多歷年所雨淫日暴歷蒸蠹蝕
 以稱朝廷肇祀之意宏治戊午
 瞻慨嘆乃區畫百費聚財庀工
 廟貌嚴肅堂陛尊嚴重門既啟
 凜一堂之上勃然猶有生氣其
 有四公之忠魂既妥有司歲時
 之享祀亦虔矣侯嘗毀

淫祀鞭妖鬼投之烈火又嘗修徐高士墓溫太真祠以
 表一清一忠之節今於茲廟復憺憺致意焉為政能關
 邪崇正知所先務事多類是十四人者曰趙德勝曰劉
 齊曰牛海龍曰李繼先塑像居中曰趙國旺曰許珪曰
 朱潛曰張子明曰趙天麟曰徐明曰張德山曰夏茂成
 曰葉琛曰萬思誠塑列左右其爵秩功烈具見舊碑侯
 蘇州崑山人在職九載剛正廉明始終一致上下信
 服五被褒旌三薦郡守今將奏績明廷茂膺峻擢云
 萬
 歷中知府范涑重修今廢
 謝志

濤峯朱先生祠在南昌縣明洪武間其子善建祀
 謝志

瓊記一氣既裂而有文其所以開物成務莫備於四聖
 人之易故為五經之宗自孟子沒歷漢至魏講易如王
 輔嗣者固未盡其旨宋周子得穆伯長之傳而太極圖
 通書作焉後二程泊邵子張子繼興故有皇極經世與
 正蒙之書蓋皆本諸易而為之也然邵子則兼乎數張
 子則專乎理所謂殊塗而同歸者余嘗求之正蒙十七
 篇首太和參兩以闢造化之微次天道神化以推聖人
 之至若動物以下諸篇無非發端以示人雖或失之深
 刻閒與易有不合觀其約而博精而實則孟子以來與
 周程之說相為表裏而辨釋老之謬妄者此書為多考
 亭朱子於太極通書西銘有注其餘則未暇及也番陽
 沈毅齋先生因為正蒙解以備朱子之未備而王歸樂

器乾稱猶缺元德興丞上饒鄭君復初補其三篇新安
胡公雲峯序之亦既行於世矣及聞南昌濤峯朱先生
者深求邵子內聖外王之學既老著書凡易說禮說皆
發前人所未發至於正蒙且病其難而釋之豈亦采殺
齋所注而損益之歟嘗欲購求定本以觀其異同得失
時猶闕而未出洪武七年秋子善來京師試補南昌文
學掾獲見於成均因出所述濤峯行實始末示余復求
記其濤峯之祠焉按濤峯爲洞雲處士之子初洞雲兄
弟四人長雪湖次碧泉月湖而洞雲最少雪湖以文章
顯於時洞雲與之齊名濤峯又純正而宏博其著述雖
世無知者將待子雲於他日矣嘗命善集其所纂而繼
終其未成者善亦克承其志且建祠奉之上推濤峯之
意而及其祖洞雲處士與伯祖雪湖以明其傳之所自
來可謂能子矣嗚呼易在造化固無言也而聖人之自
逮世降俗嬗人心益晦邪說日滋非有卓然立言之君
子會一心於古今則宏通易簡之法仁義中正之歸不
亦隱乎此諸子之功爲甚大余不得不愿稱之也抑張
子既出正蒙以授門人且曰其孺類而長之吾固有望
於後之學者毅齋爲能發張子之蘊矣若濤峯究先天
之學而餘力及此益見理愈索而無窮所造何可及哉
祠之於鄉既合於理而善復不墜其業有光
於雪湖洞雲尤足嘉者故爲記俾刻諸壁云

謝忠愛祠在新建十二都祁明邑人謝得仁志

大陽廟在新建洪崖鄉

謝志

大節祠在省城躍龍橋南明萬歷四年敕建祀建文王

午死事諸臣黃子澄練子甯胡閏劉端王高王艮王省

周是修曾鳳韶鄒瑾魏冕彭與明蔡運顏伯瑋顏有爲

凡十五人

謝志萬恭記余往偕鄭司寇談靖難死事諸臣爲之涕泗沾襟彼其時諸臣氣貫虹

名與天壤俱敝可也顧駢首去其籍百餘載隱泯姓氏故不見嘉靖中句容梵宮棟撓木竅藏靖難死事所得齊公泰而下百有十八人鄭公與余居建業八載多所討論顧撫拾於去籍之餘表見又不著其藏撓棟中者又不與余益涕泗沾巾云萬歷天子新卽位制曰諸臣忠於所事甘蹈刑戮其仰尊聖祖遺意褒表忠魂激勸臣節其在江西者檄所司專祀於其鄉一時臣工嚴於將命皇皇焉爲設木主假同館蓋酒肆相揉結也又閭閻既廣亂而不經復遷合同館蓋酒肆相揉結也又閭閻而不潔萬歷四年夏清戎御史姑蘇侯公堯封大懼表揚弗稱節義不暢上之不能報上意下之非所以慰忠魂勸臣節乃捐所贖金四百五十三兩有奇下其議於南昌大府周公良臣少府顧公其志南呂理常公居敬卜豫章城地之幽靜莊嚴者而專祀焉復請於大中丞

楊公成潘公季馴皆報曰善再請於御史張公簡又報
曰善遂擇地於高士坊北掖南昌新建之賢宮而東倚
豫章先賢之名祠東西二湖匯於右撫嶺二河流於左
洵可以潔羣忠之肝膽而濯之肺腸矣祠經始於四年
之九月落成於五年之七月據震而臨兌基南北若干
丈東西若干丈寢三楹堂三楹左右廡各四楹堂列羣
忠木主祀逮而論死者太常寺卿分宜黃公澄御史
大夫新安淦練公與明凡四大理寺少卿鄱陽胡公
丞萬安彭公與明凡四大理寺少卿鄱陽胡公澄御史
公端刑糾給事中署大理人坐黨死者大理寺丞南昌
者衡府紀緒泰和周公是修補縣知縣廬陵顏公伯瑋
子顏公有大理寺丞永豐鄒公瑾翰林修撰吉水王
公艮監察御史永豐魏公冕監察御史廬陵曾公鳳韶
濟陽教諭吉水王永公省凡八人守城死者賓州知州南
康蔡公運凡一人合之得十有五人有事在革除志中司
馬氏曰余讀革除諸紀未嘗不泣然流涕也夫高皇以
神武定海內改制度易服色可軼駕百王軌度萬世即
子臣百世直罔敢佚墜彼柄臣攀龍髯哀痛未遑也乃
盡取高皇之制度而易侍郎為侍中都察院為御史臺又
司於太平門之內易侍郎為侍中都察院為御史臺又
謂之中都御史此豈關理亂邪忍心哉悖高皇也安所
逃死獨令羣忠膏白刃九族為殃悲夫然論世於當世
可以無夷齊上之表忠與下之所以建祠意固有在於斯

平

旌忠祠在進賢門內明嘉靖中敕建祀巡撫都御史贈
禮部尙書孫燧副使贈左副都御史許達以副使贈按
察使周憲配復增祀贈太常少卿前參議黃宏贈光祿
少卿前主事馬思聰以贈光祿卿胡以方耐享謝志謝遷記
旌忠祠者有司奉上命以祀死忠之臣也正德己卯夏
六月十有四日甯藩逆賊宸濠反假宴會集撫按藩臬
暨諸司於庭環列兵刃首呼巡撫都御史餘姚孫公燧
詐稱密旨令起兵脅使從逆公正色抗詞折之請見密
旨濠語塞公復矢以天無二日臣無二君之義次問巡
按副使固始許公達亦毅然曰惟臣無二君之義次問
濠怒令兵校曳出惠民門戕之二公罵不絕口延頸受
刃時方盛陽日慘然無光忽有黑雲蔽其屍竟日父老
奔走飲泣爲殮於僧舍朝夕哀之濠見黑雲之異亦驚
怖遣人爲市棺而棺已具諸民矣蓋逆賊之蓄異謀爲
日已久孫公窺見其萌凡所以預爲之防者靡不周且
至濠務狡剝下以結權倖民不聊生公志在恤民每裁
抑之動拂其意許公亦同志濠故知其必不可屈也首
肆毒且用以威眾民亦以是哀感之深也既而巡撫南

嶺都御史王公守仁起義兵討賊濠敗遂伏誅恭遇
 廟祀二公奉賜祭葬有議加各錄廕其子且命立祠
 祀之號曰全大節祠以時謁禱及奉朝命有司遂修
 事於茲而淺隘弗稱巡撫都御史陳公琳嘗檄布政使
 陳策蔣曙按察使曾大撫都御史陳公琳嘗檄布政使
 去都御史盛公應期繼至巡撫素重風教慨茲祀典宜
 陸乃撤布政使王蓋嚴綏參政徐讚林庭樞馮馴參議
 僉謂貢院舊址面俯東湖明爽宏遠足以妥英靈而起
 瞻仰以復於盛公可其議乃委南昌府同知劉守愚率
 縣丞彭齡董其役經始於嘉靖癸未秋九月迄甲申春
 二月而落成先是正德王中瑞州華林寇猖獗按察副
 使安陸周公憲督兵追勦身先士卒父子俱殞於賊事
 聞已蒙贈憲按察使諡節愍而未與祀典盛公疏請於
 朝下禮官議合成以死勤事之義特允配享旌忠祠綸
 遠降適新祠考成乃奉孫許二公並位南向而以周公
 配享於左於時布政使陳洪謨始至率僚屬祇薦歲事
 廟貌崇嚴山川改觀忠魂義槩儼若著存式慰邦人瞻
 仰之情祠五間前為饗堂又前為中門為外門各殺其
 二廂廡庑五間及諸供祀之所以開計者凡二十有七
 垣深以丈計者四十有八廣以丈計者二十有七既完
 既固瞰湖豎綽楔石為之區曰旌忠遊聖訓也凡木石

工役之費皆出自官帑於民無秋毫之擾經畫調度悉畢舉皆盛公所指授也於書來促此固區區之忠致書屬余紀其成以衰髦辭嗟夫爲子死孝爲臣死忠美而樂道者何敢以衰髦辭嗟夫爲子死孝爲臣死忠天地之聖賢立教垂訓昭如日星章縫之士亦且素講而無之矣然非見之眞信之日星章縫之士亦且素講而餒聞之頃者幾希若三君之篤守之固而能不迷眩於臨難之視昔顏袁二公之確然素定能如是乎眞可謂忠大節而視昔顏袁二公之確然素定能如是乎眞可謂蓋異世而不同符非其胸中確然素定能如是乎眞可謂無忝所生不負所學者矣彼螻蛄鼠伏苟一時之豫章廟能無愧於心邪江西北舊有康山廟祀三十一人豫章廟祀十四人皆開國死忠臣也仰惟我聖祖再造區夏振綱常於淪數之餘故當時同德不承仁之臣雲合景從其盛有如此者不數十年來列聖相承仁之臣雲合景常外安仗節死義之士無所於見往歲逆豎竊柄摧挫善類予懼夫士氣之沮喪也每竊憂之今適遇事變而二三君子挺然繼作光昭前烈所謂歲寒知松栢疾風乎此又深爲世道慶也嗚呼旌忠之祠與之前二廟列時邦域輝映千古以風勵於天下豈直一邦之偉觀一時之德美談而已哉附唐龍乞表異忠義官員疏竊照正及公差部屬併部布按三司各官進府謝酒宸濠羅列

賊兵分布逆刃首呼巡撫都御史孫燧協令隨往南京
孫燧抗顏正色示以臣無二君之義次問按察司副使
許達達反覆明其不可終毅然曰惟有赤心耳豈從反
乎宸濠遂喝官校將孫燧許達曳出但斬於市隨將其
餘各官拘執鎖禁於獄內時公差南京戶部主事馬思
聰仰天憤嘆許達守口不食死之繼有布政司參議黃宏亦
死夫孫燧許達守正秉節挺刃而死雖古之忠臣亦不
過此馬思聰黃宏雖暫就執尋即捐生道無辱於人臣
志終白於天下但思聰視宏則尤烈焉傳曰無仁賢則
國空虛使當時皆如思聰視宏則尤烈焉傳曰無仁賢則
臣挺然於其間則何如各官安意就縛屈身苟全而無
所近該南新二縣父老將士偶撤去塑立孫燧許達二
像併立馬思聰黃宏木主置於其中私號全大節祠歲
時朔望相率謁禱尤見四臣忠義之在人心者如此其
深也但事出於下而不見於上遺烈雖存明典尙缺如
蒙乞救兵部查議將孫燧許達俱賜諡贈官各廕一子
世襲馬思聰黃宏亦量爲贈官仍襲馬思聰許達馬思
行令布政司查相應官屋改立祠宇將孫燧許達馬思
聰黃宏並祠於中孫燧許達位次在上馬思聰在左黃
宏在右之下照依敕賜祠額及行令本司查撥無主官
田五十畝行南昌府收租以供祀典如此則不惟使人
臣忠者勸不忠者戒抑見我國家有臣如此且俾萬世
之下指此罵宸濠曰亂臣曰賊子則四
臣之忠義不泯而宸濠之惡罪益彰矣

仁政祠在南昌府學右青雲樓舊址祀明巡撫都御史

劉光濟

謝志明萬恭記嘉靖中少師華亭徐公承上

理益亂我父老不得休息宜莫若一條鞭法使上之吏

耳日可勿塗下之民易以循守與我共此者其良撫臣

乎德意甚優渥父老延頸法意之成顧薄海莫有應者

隆慶二年春徐公顧江陰劉公即煩以大江之西為上

試之劉公曰諾入其疆下羣吏議所以行鞭法者旬日

莫肯行豪右不欲也府史胥徒皆不欲也乃劉公意銳

甚詣余言曰條鞭良法與父老休息盡格不得行奈何

余請言狀公曰督儲云吾治賦上供歲多通若之何復

能征之乎網錢述不已甚乎吏議不便余曰誠不使哉折

役錢之可乎令里甲催征者督賦儲道主之而當歲者督

守司出納民大弗支往來市不啻也今倉庫悉令富民典

採大怖有自經者吏議不便余曰誠不使哉噉之可

乎採勞者役而給之值民悉罷役而輸之緝錢官待採

以故勞者役而給之值民悉罷役而輸之緝錢官待採

顧賦役輸官者甚鉅猾吏舞文籍不可稽也劉公曰善

輪後期且弗滿數勢不得不迫弱若為之格冊列其丁稅

病吏議不便余曰誠不使哉莫若為之格冊列其丁稅

之全數於上端而撮其賦役之輸數於下方里胥執冊

而征之有司者即按其冊而比之採莫上下其手官視

民之通完在目中也劉公曰善乃集羣吏大議鞭法召
 撫州同知包君大堪南昌府理張君守約吉安府理鄭
 君恭饒州府理孫君濟遠新建令王君以修廬陵令俞
 君一貫臨川令蔣君夢龍鎮棘院而校計之包君總其
 事上二君議於大中丞大文學胡公從少保之從子
 者且合包君日報一章耳文之劉公令曰從包君議謀
 也善計慮且習賦役事余言之劉公計所報章可否批
 一獲即入告大丞中丞大丞公旦計報章可批答焉
 復上則悉縣布諸督院之壁公旦計報章可批答焉
 月乃定南昌新建二邑條鞭法而公髭鬚加白矣余白
 公曰太苦矣為父老而瘁其身夫西伯之化始於二南
 今年始以二縣試明年始徧七十餘邑者何如公乃下
 令曰江南不苦賦而苦役賦悉若故無有改易唯役民
 悉輸錢於官官盡僱役於民民即老死勿有役於官勿
 入市廛即民一錢亦得自輸於官孤且死勿有役於官
 附其錢於里胥曰帶輸約之為四差銀輸官者南昌二
 萬三千兩有奇新築一萬二千兩有奇身一丁徵一錢
 五分有奇稅一石徵一錢八分有奇亡親役之苦亡鬻
 產之虞亡愁嘆之聲亡賄賂之患父老悉去湯火
 明年鞭法大定而南昌太守丁君應璧適至攘臂以風
 七十邑者又明年七十邑較若畫一矣余賀大中丞大
 中丞曰未也此所以安野人也我盡輸錢盡僱役也邑人
 創坊甲條鞭其法一如里甲法盡輸錢盡僱役也邑人
 曰二百載不聊生矣今活我活我乃扶老攜幼入謝劉

公者以萬計大中丞曰未也我國所以安遠人者復創
禁約鋪行法乃火牌裂籍官與民平市也賈人曰二百
載不帖席矣今生我生我公撫江右父老安父老懼公
去江右而鞭法解散去之日旄倪數萬疏留之上念父老
留三年乃召大司農去之日旄倪數萬疏留之上念父老
之公爲歛歛父老思弗置則肖像而尸祝之擇青雲樓
而居之博士弟子思公弗置則樂羣於樓中而誦法之
民有疾苦奔而禱之無弗應者朔望必祝公生辰必祝
第願大中丞上壽公且多男子也繼公者常熟徐公加
太倉凌公吳縣楊公悉唯劉公鞭法守而勿失父老爲
甯一矣青雲祠居府學宮牆西偏後爲樓五楹中爲廳
三楹前爲門一楹旁爲四廂各三楹皆簾以石垣額曰
仁政祠司馬氏曰古稱施仁政於民之效士願立朝農
願耕野商願藏市旅願出塗信然劉公愛民哉施仁政
而不下顧於瘁其躬徐公凌公楊公愛民哉施仁政而
嫌於仍其官余悉表而出之以告人心且以諗夫後之
者觀政

懷忠祠在惠民門內祀明孫忠烈燧許忠節達其地卽

二公赴義之所

謝志

王文成公祠在磨子巷北祀明新建伯王守仁舊在射

圃亭大忠祠右明嘉靖閒學使徐階建吳桂芳王文成

王文成公以正德己卯來平我南昌逆濠祠碑陽明先生

民賴先生義師得脫水火即衽席思所以俎豆先生以

報祀功德於無斁者億萬人一心也顧先生道大望尊

功成疏爵身歿之後忌者稍起郡民蓋貿貿焉嘉靖已

亥前少師華亭存齋徐公視學江右始徇士民之請即

射圃舊址肖先生像祠之丙辰前司徒晉江可泉蔡公

來撫我邦議捐贖金葺之乙丑徐公復捐金再葺久之

自是南昌父老始得歲時伏臘拜瞻祠下歛低徊久

之而後去二公復即祠之左右建號舍若干楹集郡諸

生儒者讀書講學其中祠之左徐公稱盛矣隆慶元穆宗
皇帝修舉先廟佚政時華亭徐公方柄國天子允諸廷
臣之議詔復先生應得彝典茲焉始備時南昌之民相與
文成蓋先生應得彝典茲焉始備時南昌之民相與
手加額稱明聖云今年春侍御巡察雲門任公澄清之
暇觀先生廟宇恢宏而祠額未稱爰謀於撫臺鳳竹徐
公檄太守雲舉周公豎坊其前扁以今諡更檄太守議
所未備者屬邦人記之太守議曰先生之祠記之者既
再矣顧皆陳述先生學術之大端而未及先生數定之
偉績夫江漢告成吉甫作誦淮蔡既又昌黎述碑先生
平逆濠之難社稷之功也祀先生以崇德抑以報功記
昌之專祀之又宜也祠先生以崇德抑以報功記先生
之祠者可獨廢哉請以屬司馬氏司馬氏曰余鄙拙時

聞郡長者言正德已卯六月之變甚詳蓋是時豫章之民每飯不忘王公也大烈哉仁人哉其功其德無競已顧距今垂六十年未有記其事者豈非郡中之關典歟鳳竹雲門二公之政舉其大太守周公之議協於中其賢夫其賢夫余以所聞於郡父老耆著篇俾子弟暨祠中諸生於俎豆先生時聲歌之其辭曰昔在中葉武皇震業內蠡外訏根盤株結纍究攸乘以芽以蘗蠡張帝念親藩創其護衛爰遣近臣往詰其罪逆濠聞之反形斯熾戕我撫使及於憲臣天地以詰其罪逆濠旗紛指虐焰如焚遂破南康以迄九江舳舻綿繹其鋒莫當遠近大望風迎降桓桓王公開府於贛有詔赴閩撫處軍叛既次鄕江倉卒聞變扁舟宵遡駐轡吉安府符過發四徵材官灑涕臨戎不共戴天義師之興有嚴有翼亦有新民感公神武赴義如奔會不逾旬亦集轅勁卒日維新我武維揚元戎萬艘以先啟行公曰咨汝門兵既萃止我武維揚元戎萬艘以先啟行公曰咨汝文武將吏賊帆既遠予追曷企維是南昌賊巢在焉為往克之賊必內牽歸而禽之易若燎原將吏曰都茲為勝算先聲奪人賊將焉顧旌幟蔽江士志競勸豫章之野其壘言言賊之宗盟城守甚堅公親誓師一鼓應弦公亟下令叛者獨夫若軍若氓皆我髮膚有妄殺者立抵厥辜城下之日市不改肆夜靡緩我捷既聞賊喪厥逆濠盛兵在皖攻其外郭晝夜靡緩我捷既聞賊喪厥逆

魄迺解皖圍星言返國歸次黃溪我師逆之賊鋒甚銳
我氣小摧公再誓師戮彼北者凡厥效尤必殺無赦時
維盛秋西風方厲公曰時哉火攻為上乃集輕舟乃葦
乃膏揭帆順流直搗賊船檣急揮金躬援督戰火燎其
舟賊是潰亂大兵乘之遂執渠魁或俘或馘餘孽盡夷
凱聲雷動歡徹九衢父老有言我為賊穴匪公來疾賊
且反機虎而負蝸厥未易擊將符吾眾以抗王師哀此
無罪匪屠則誅公之德矣何口忘之父老再言濠逆始
傳武皇赫怒親征而南匪公禽濠萬乘來背我室我
孰保相守公之德矣如山如阜父老又言公既平逆巨
璫貪天拒公奏績矯詔提兵來入公壁公也御之不吐
不茹經權並運彼瑤誠輸莫敢我噬亦莫敢我漁公功
獨苦公民晏如公之德矣曷其敦諸維公德懋維公功
巍肅皇錫爵恭皇世之金章鐵券與國咸熙爵以酬功
祠以寄思成我思者華亭少師葺之廊之少師司徒且
聳且坊兩臺之烈伐石記功守議之協司馬作碑以告
來後與大忠祠俱廢

國朝康熙六十年巡撫王企靖復建於此道光三年巡撫

程含章重修

謝志
檔案

懷仁祠在章江門外石亭寺左祀明巡撫周如斗

謝志

褒德祠在南浦驛祀明巡撫夏良心萬曆中建奏請賜

額

謝志

豫章先賢祠在鐘鼓樓右卽崇儒書院故址明萬曆間
學使沈九疇改建先後舉祀澹臺滅明徐穉羅從彥胡
儼張元禎舒芬魏良弼萬廷言萬思謙鄧以讚李材等
共十有一人新建張位倡爲會講之所額曰豫章會館

謝志

豫章三賢祠在射圃亭祀南昌熊浹進賢舒芬新建魏

良弼萬曆三十四年參政姜士昌行府屬三縣創建今

廢府志明張位記三賢祠所祀者熊恭肅公浹舒文

以峭直剛介自樹乃風猷節概卓然一時人豪豫章士

雖不盡三賢此其氣味似也豫章先賢舊有祠然合前

代列祀非專祀也萬曆甲辰丹陽姜使君仲文自其起

家江右參藩先後署掌學政下車以來捲捲持法紀崇

風教表章節義訪問遠佚一日過新建鄧文潔公祠聞
 之鄉其專祠均獨文學博士也與哉余憶先宗伯公在朝舉
 海內未蒙謚典者首舒公遂得請謚文節公伯公在朝舉
 特一鄉之士恭肅熊太宰立朝居鄉則正不滓其品行豈
 魏公其理學直諫異所宜也由是下有司議之維一也
 專祠合祀用諱周典所欣然贊助遐卜地爲堂三櫺
 郡守盧公邑侯周公陳公欣然贊助遐卜地爲堂三櫺
 兩廡前門綽以周恒尚像設奠永奉春秋俎豆閭鄉父
 老子弟駿奔瞻仰歎未嘗有或曰舒魏二公理學直諫
 同矣恭肅雖賢素未談學是可合而祀諸使君曰曷爲
 其不可哉此正不佞維風意也夫理學何哉爲其有用也
 功業何哉爲其有本也世岐於二而天下始不信學且
 不直其爲功教斯高矣談性命富著述乃出而應世率多
 哉由是究名理者發舒至其檢押準繩或多踰越是說鈴
 迂行闊步罔所激烈若甘鼎鑊幸以賣聲名於天下
 也抗氣節者抱憤激烈若甘鼎鑊幸以賣聲名於天下
 已乃負氣依羣凌鄉黨世爲人所不爲悍無顧忌是
 象虎也三君子有一鄉驚世爲人所不爲悍無顧忌是
 而立懦考其礎躬樹績足以援溺而扶頽歸其言語文
 章足以垂世而範俗何學非行何行非學哉其視言不
 副實終不逮初者霄淵矣合祀之舉實以維風而起敝
 也人皆踴躍其言使君先宗伯公風采卓冠三朝家學淵
 源先後輝映君敬歷中外正色和衷溫潤而栗有所不

可輒拂衣高蹈前是歸臥茅山者十餘年強而後起出
也有為處也不苟詩曰維其有之是以似之位辱使君
平生之知樂觀盛舉特為記其事而述其大旨以垂示來禩云

督學名臣祠在南昌校士公署後堂明萬厯閒署提學

參政姜士昌舉祀江西學使者黃仲昭蘇葵邵寶蔡清

李夢陽徐一鳴徐階江以東王宗沐朱廷益後三十七

年學使蔡增譽復舉祀王珏陳璘李齡夏寅潘子秀邵

銳張岳凡十七人謝志原按前志所列名宦皆明萬

而後之黃汝亨魏公說蔡懋德侯

峒曾並著文章節義應增入祀典

崧峒祠在南昌錢局前祀明學使李夢陽謝志

陸中丞祠在章江門內祀明巡撫陸萬垓謝志

陸方伯祠在章江門內明萬厯閒建祀左布政陸長庚

國朝康熙閒曾孫閣學陸業修為人侵奪四世孫奎勳復

重建謝志

文德祠在東湖上祀明章潢謝志

鄧文潔祠在東湖南祀明吏部侍郎鄧以讚謝志

李見羅先生祠在東湖關帝廟旁祀豐城李材建自明

天啟元年

國朝乾隆三十六年重建湖茫李氏裔累次修葺府志

理學名賢祠在進賢門內祀澹臺滅明范甯韓愈范仲

淹歐陽修周敦頤程珦羅從彥朱子張栻陸九韶陸九

齡陸九淵黃幹李燔張洽黃灝蔡元思真德秀陳澔饒

魯吳澄胡儼吳興弼胡居仁王守仁蔡清羅欽順邵寶

張元禎羅倫鄒守益羅洪先歐陽德羅汝芳舒芬胡直

胡敬方鄧以讚魏良弼萬思謙李材王時槐萬廷言鄧

元錫章潢鄒元標凡四十七人舊爲先賢祠祀宋羅從
彥等十二先生復增祀歐陽德等改爲二十四賢祠迨
康熙二十九年巡撫宋犖增祀澹臺子羽等二十三人
始改今額張尙瑗記孟子謂一鄉一國天下之善士各
祭於社者用此道也孔子推之祀典古之鄉先生沒而
數十郡邑而爲省會國之尤大者郡邑各有名賢之祠
全省獨無有之自江西理學名賢祠始商邱漫堂宋
公巡撫江右詢謀所屬之士大夫確議條對於是合所
謂五賢三先生二十四先生大忠大節同仁諸祠存者
仍其舊廢者蒐而出之更擇其尤以爲理學忠節兩名
賢祠忠節祠別在順化門其進賢門內迤西之祠爲本
主四十有七以澹臺子羽爲之進賢門則理學祠也理學
之盛衰天有七地以氣爲之轉移而人事主其際自孔
孟出而鄒魯之文學海內宗焉有文儒足稱者多借其
名以名之若漢唐之關中晉宋之江左帝王正朔之所
在而人物衣冠聚處於斯事無足異若齊梁則汝穎多
俊才南宋則浙閩盛文事載諸史乘獨宋之盛也人才
萃於雒陽有二程司馬道德魁儒爲之領袖故其時士
皆宗經術崇古學非他朝可比則江右爲極盛亦由朱
張三陸諸名賢繼相講學於其地繼之以陽明之門下

輩出而景從有與之爭者角立門戶亦愈適形其盛商
邱公所論定祠中諸賢官於其地者三十二人盛於此極矣或
謂天下萬世之師止一孔子澹臺子既從祀矣其獨爲
主祀也何居曰爲豫章故墟有伯夷后夔周有周公魯有孔
其先師之言子西河之卜子生於其地者也豫章之澹臺
子吳教而至者也地以人重也自尊祠矣復主祀於理學四
子友教而澹臺子亦既專祠矣復主祀於理學四子皆
專祠豫之澹臺子亦既專祠矣復主祀於理學四子皆
賢之祠祠益以人重也自尊祠矣復主祀於理學四子皆
之職立各是其師說不能相入道一編晚年論定之說
欲渾發源金谿而一之而爲學菰蒲辨者又復低昂排之
若將恐免劉黨攻人之兵朔黨自守之地其兵低昂排之
未可同日語然江右爲陽明開講之地其兵低昂排之
學康齋敬齋整菴誠爲當代所宗而念菴謙之南野水
邨其風節未始不矯然於朝野必宗朱而斥陸西江理
學之祠可立矣元史傳儒林於道學之後謂金谿之
派其學爲道遠而取數多以人望人則固儒也記曰仁之
爲器重爲道遠而取數多以人望人則固儒也記曰仁之
謂于聖不傳之秘非營道耶縣詣極希聖不能續其傳
而陽明教人以篤行亦非置學問思辨於不事就祠中
服官江石諸賢范武子之解穀梁宗胡氏傳者多弗之
取而爲哀如昌黎朱子猶以爲未離文章之學邵二泉
曰願爲眞士夫不欲爲假道學此商邱祠理學名賢之

指也事在康熙庚午閏三十年歲庚子尚璦應白中丞
命掌教其地月朔望必偕諸生謁祠下仰諸賢之芳軌
幸高山景行之在望輒抒臆見而為之乾隆八年巡撫
記其於理學之論之合與否未敢必也

陳宏謀又增祀程顥程頤熊直聶豹共五十一人併置
祀田以充春秋祭祀

謝志府志

忠節名賢祠在洪恩橋舊為同仁祠祀孫燧許達王守

仁胡世甯伍文定唐龍六人

明丁此呂記略豫章環十

焉南曰徐亭北曰蘇園南北兩莊之閒為同仁祠嘉靖
時肅皇帝修己卯功詔江西北兩祠孫許旌忠祠而王公亦
肖像有祀未幾合祀於同仁祠同仁者志其心也記曰
與仁同功其仁未可知也昔商之三臣有去者有奴者
有死同者而孔子並歸之仁孟子亦曰君子亦仁而已矣
何必同夫以孫許之抗節王伍之平難即三尺豎子亦
知其與日月爭光宇宙為烈矣顧初作難時濠鰲害能
也孰肯以身發大難之端投水綸沒已耳又天子之懿親
撫綏安輯人臣之功伐闕焉蓋仁人心也此心生不
息與天地始與天地終其康熙二十九年巡撫宋犛改
為物不貳夫是之謂大同

祀陶潛狄仁傑張九齡顏真卿李綱張叔夜楊邦乂胡
 銓洪皓歐陽珣岳飛文天祥謝枋得江萬里黃子澄練
 子甯胡閏周德顏瓌王省王艮曾鳳韶鄒瑾魏冕李時
 勉劉球于謙孫燧許達胡世甯王守仁伍文定唐龍周
 憲黃宏馬思聰宋以方能浹韓雍林俊蔡懋德李邦華
 吳甘來凡四十三人爲置祠田宋華記傳曰國之大事
惟祀與戎一祀何以大也
 大其德大其功大其節也德修一身功建一時節立一
 日而大其享於千秋何也曰引而被之者長也其引而
 被之者奈何曰人參於天地而成位其中賢人君子者
 天地之正氣所結也天地不敝而天地正氣之所結亦
 不散又況產於其鄉宜於其地生有功德於斯人而沒
 無所式憑以奉一豆一登之饗豈所以云報乎且天下
 無待而能自興者幾人哉觀而感感而奮頑懦之振於
 聞風較同時之耳提倍深矣是故先王之法有大德有
 大功有大節者得以血食於無窮斯賢人君子所由久
 於其道而天下化成也後世不知此義率以禍福之私
 而惑於二氏詔於非鬼淫邪不經此創造徧於都邑醮
 壇男女非禮之報祗有司或且臨之而至先賢之祠兩

圯風蹟則過而弗問焉母亦不知其所繫之大乎余撫
江右將期月紀綱靡定百弊漸除民俗蒸蒸有治象焉
簿領之暇謁澹臺祠拜徐孺子墓而復其清風之堂按
志訪所謂大忠大節諸祠皆已蕩於燹燿有求其殘磔
敗址而不得者嗚呼賢人一君子之靈爽何所託而國之
化其何所助以施乎欲一踵其舊而復之為敘兼採與論
不得已合諸祠而祀之以蓋以代之遠近為之德聚則
或不志中姓名為最著次入焉蓋以諸君之一結則聚
則秋嘗春祐於天地之正氣所結則一君之德聚則親
不克修功誰不克建節誰不克立惟藐一身於土芥暴
棄而不知所嚮往焉斯無如何耳誠觀於諸君子之所
為而萬古不泯則居有所養用有所行變不易守之人心
辱生七尺之軀亦儼然與天地同久大也此邦之人盛
風俗安必不由此以振而復往者名德事功氣節之舉
乎惟願後之君子永成余志勿復如風昔之廢節而不舉
焉是所望也已心為制治之本蒐閱郡乘慨念舊額祠
祀有裨風化正人心為經兵燹未復郡乘慨念舊額祠
創為理學忠節名賢兩祠置主能復檄所屬詳加確議
復始末曰豫章祀紀其於羽翼道統扶植人紀襄政教
而風千秋直不朽之盛事如公所序言者矣而任讀公
所賜祀紀竊有不能無疑者所有大節祠原祀黃練諸
公十五人亭核於百年之久詔舉於萬歷之初祠非私

建名無冒附今忠節祠置主黃練而外止列胡公閏周
 公是修曾公鳳韶鄒公瑾魏公冕王公良顏公瑗王公
 省存十去五而彭公與明劉公端王公高蔡公運顏公
 有爲不與焉則何邪將謂此五公死有可議祀所宜革
 邪則彭公與明與黃練胡公並被逮不屈死者死固彰
 彰也劉公端王公高並以爭孝孺獄坐黨死者其殉孝
 孺要以殉建文也蔡公運則守賓州城死者守爲建文
 守死爲建文死可知也顏公有爲則顏公瑗子同父自
 盡於浦縣者死孝仍死忠也詳司馬萬公恭碑記無可
 強輟轉之私事見革除志中詳偶遺王公省名未共載數
 議也舊惟范志大節祠小註偶遺王公省名未共載數
 耳厥後虛志暨陳公宏緒績修志皆載十五人即伏讀
 公移亦稱十五人中開有云凡已祀典者前人必有
 定論而增損於其間則其事鉅其關係匪輕今所增入
 主既加確議以示無私而損此五公意必有說以處此
 雖起九原足服死者之心而傳諸久遠不致後人之惑
 然後可使無端而遺之邪則論古考詳者將有忽略星
 漏之訾其何以昭慎重使有爲而黜之邪不顯正其當
 黜之故而議者無駁詞祀者有廢主則即事原情者疑
 有愛憎取舍之僻其何以見折衷任向闕通志吉安人
 物未載彭公與明顏公有爲名而載顏公瑗小註云遺
 次子有爲歸不載從父死爲曲筆失實劉王兩公雖志
 載矣而惜其未祀於鄉賢爲缺典蔡公運本南府屬
 之南康縣人志載官爵死事與原祠記諸公皆以縣名

不以府名相符爲可信而南康府人物有同名蔡運者
通志仍謬註祀大節祠爲可笑其陳公濬反不特書附
註父大猷下爲不合今陳公直號廬山者無敬方胡公直
祀也今以同名而得並祀之忠節若蔡公又有同名者而
併逸之將諸公於此亦有幸不幸邪舊邀俎豆於十世
如某公垂祀如某公祠更中毀先靈且使來者將曰盡節
如此無子孫之仁孝者以陳請之無士大夫之賢明者
以訟言之修行之砥名先歸泯滅曷益哉其何以鼓後進
始任肅拜祠下指數五六公無主位謂必有言於執事者
不致以興廢舉墜之大典彰往勸來之盛心而輕予人
以咨嗟嘆惜之妄議今觀祀紀成帙而未嘗有開也遺之
則遂遺之矣黜之則竟黜之矣祀紀成帙而未嘗有開也遺
應否補削伏惟執事裁察而明教之表忠垂教也以懷
仁祠舊址今爲民居不忍撤而改築於東湖之濱三十
載廢祀之祠宇一旦矗起於荒煙蔓草之中令孫許之
孤忠正氣昭然若揭日月而行與張許雙廟炳麟千
古甚盛舉也獨是濱湖一片地舊爲同仁祠其創立已
久今考崇禎八年李公副京重修碑記稱載主南嚮雁
行而薦春秋者凡六一贈禮部尚書諡忠烈前巡撫江
西都察院右副都御史孫公燧一南京兵部尚書新建
伯諡文成前巡撫南贛都察院右副都御史王公守仁

一兵部尚書諡端敏前江西按察司副使胡公世簡一
 贈禮部尚書諡忠節前江西按察司副使許公逵一兵
 部尚書前巡按江西吉安府知府伍公文定一吏部尚書諡
 文襄前巡按江西監察御史唐公龍則是前此之俎豆
 於斯者不特死事之雙忠而一時共事諸公或發其奸
 或平其亂生則一心王室歿則合食一堂故曰同也微
 箕比干去奴死不同而王以仁稱故曰殺身以成仁當
 逆濠要結權璫勢傾中外無君之心固不俟矯詔之日
 也而屹然獨立不懼正名討賊卒成大功誰謂非仁者
 之勇哉向非諸公先後其間吾知孫許之目不瞑矣今
 仍宜顏曰同仁祠謂仁可以兼忠忠未可以盡仁也至
 若欲為孫許立像別異於四木主者愚又以爲未可夫
 忠義之在人心也爲政者樹之風聲以鼓動之入宗廟
 而思敬過墟墓而思哀初非以設像置主爲軒輊也文
 廟之議以像爲褒今必變舊制別爲二像將異二像於
 木主乎抑異木主於二像乎吾未知所宜處矣議者不
 過欲尊懷忠祠之名而不知已廢同仁祠之實居然孫
 許爲之主而四公者贅旒於此神不享矣愛人者猶及
 其屋之烏況本以同事合食之人而忍伸此而抑彼乎
 度非大君子崇重祀典表章先烈之至意也故同仁祠
 之名必不可毀仍置主並祀如故乾隆三十一年知縣
 席典禮合於人心而可與經久矣乾隆三十一年知縣

邊學海三十八年知縣李鐸嘉慶四年知縣朱鈺二十

二年知縣鄭祖琛先後修道光四年巡撫程含章以張彥方龍泉縣人亦明建文壬午死事之臣題請入祠及

顏有爲祀之爲四十五人

謝志府志

姚方伯祠在甲戌坊祀前布政使姚啟盛康熙間建門有石坊曰遺愛嘉慶二十二年石門吳鯉徵重建後爲市人所侵道光四年知縣文海清址重修

府志

八隱祠在王文成祠左祀漢梅福徐穉晉范宣陶潛周續之唐臧嘉猷陳陶宋蘇雲卿康熙六十年巡撫王企靖建乾隆十四年布政使彭家屏重修

府志

高士墓祠在進賢門外城濠上墓旁舊故有祠久廢乾隆十八年知府張照乘修

府志

陶淵明先生祠在新城門內祀晉陶潛雍正九年南城

裔孫檢討成建李蘭記人無賢愚莫不願砥礪名節為

脂如韋者初終易轍無他聞道淺也古今來用行舍藏

與道汗隆筆瓢陋巷不改其樂者孔顏而後吾於首得

一之馬蓋陶靖節先生者知先生之謂其遺情軒冕樂

生之行炳於宇宙然世之知先生者謂其遺情軒冕樂

志林泉詩酒自娛保真獨善位置巢父許由之列而不

知以先生志不在隱逸假隱逸以樂道意不在詩酒資詩

酒以寄迹者也不先生性冲澹氣邁逸達觀時務不戚戚

於貧賤不汲汲於富貴春風沂水寓目皆天性之真松

菊詩文觸處悉怡情之具潔靜精微深於易教屬辭比

事志擬春秋朱紫陽謂其義熙革微深於易教屬辭比

志節之大者脫令入孔氏之門則安貧樂道固得躋顏

子之班而達天知命亦可幾希聖之學梁昭明有云能

觀淵明之文者馳競之情遣鄙吝之意祛貪夫可以廉

懦夫可以立豈止仁義之情可蹈抑乃爵祿可辭是誠有

於風教堪為百世之師者即遐邇僭竊所本尸祝亦足

裨君子小人之益矧大江之右為先生故里本支具在

可無廟貌之觀瞻几筵之憑式邪余奉故里本支具在

茲土釋奠後即欲瞻先生遺像展羹牆之念迺得陽栗

里遙隔山河省會名區未存松楸僅於忠節祠中次增

一座而專祠無及余竊病之當願與邦之人謀葺祠宇

而未逮南城太史陶公存軒為先生支孫清風高節默

契先人爰追水源遡木本倡族庀材以初自置宇三重

於南昌司馬廳事之右者今改辦專祠以祀先生左右
各建寢堂並祀先生五子宗支另闢戶以便各郡子姓
出入期無褻先生之尊復不混五支之派闕宮有值
實枚枚丹牖維新桓桓翼翼立宗人以奉孝享置田產
以贍桑盛規制聿周計深且遠是役也實陶氏宗祠而
顏其額者則為靖節先生祠太史之言曰五柳高風天
下仰之我不敢獨私其祖欲與都人士共景名賢耳噫
為子若孫而各尊爾祖義也為名賢子孫而率鄉之人
共尊其祖之賢是以親親之仁寓賢賢之道尤義之大
者也斯祠之作不特先生之節不振西江益為斯道人心
之助作百世之師而太史建祠之義亦足為斯道人心
之一範也余故樂得而紀其事祠倡於雍正八年秋落
成於次年之夏其寢戶庖湍之向背整聖雕鏤之道光
經費堯樞記註之出入太史自能志之余不復贅道光

三年陶氏裔重修謝志府志

張文毅江忠烈專祠在百花洲前祀巡撫張芾後祀贈
總督安徽巡撫江忠源同治三年巡撫沈葆楨奉

敕建光緒四年巡撫劉秉璋奏以紳士甘肅按察使劉于濬附

祀府志風逆流竄豫章巡撫張公芾率眾登陴為死守計

時楚泉江公忠源師次黃州張公知其能且距江近可
 資軍事飛章入告得旨江公星夜赴江會張公以
 登城周視畢慨然喻眾謂城險可守眾心益固張公以
 兵符授江公以守以戰自五月至八月城圍解是役也
 江公能專其任合羣策羣力故功成張公能任江公使
 成功功尤鉅江公既解江圍晉侯撫旋殉皖難
 賜諡忠烈軍務亦殉難旨敕立功地建專祠又數年張公在
 籍辦西陲軍朝者以立祠請賜諡文毅江人感公德
 久弗忘在並建祠歲甲子十月度地百花洲閱三載告
 成功相埒因來凡為江同仇抗節者他省鉅公名將本省
 成用兵以至耆耄紳義使若千人即二公祠側建昭忠祠
 祀之自粵寇橫決東下楚之北江之南皆望風靡江右
 得二公與士民效死率卻賊人始知賊無足畏江右忠
 義之多實二公有以作之則附祀固宜

昭忠祠二一在省城隍廟二門外嘉慶八年建一在百

花洲祀軍興以來本省紳民弁勇殉節於各郡縣及各

直省官吏弁勇之殉節江右者府志建縣志新

文謝二公祠在應天寺右祀宋文天祥謝枋得同治七

年巡撫劉坤一率郡紳劉于潯吳坤修捐建府志

馬襄愍羅忠節王壯武專祠在候子巷祀九江鎮總兵

馬濟美布政使銜甯紹台道羅澤南布政使銜道員王

鑫同治九年巡撫劉坤一奏建府志

江誠恪李忠武蕭壯武專祠在袁家井祀署廣西提督

江忠義巡撫銜浙江布政使李續賓按察使銜道員蕭

啟江同治九年巡撫劉坤一奏建府志

曾文正專祠在東湖龍神廟左祀大學士一等毅勇侯

兩江總督曾國藩同治十一年巡撫劉坤一奏建府志

忠義節烈祠在吳城團山祀明忠義葉景恩家四十九

人嘉慶十三年吳城同知劉台斗倡捐率葉氏裔創建

府志劉台斗記明宸濠之將叛也陰收豪傑為己用吳城葉景恩有奇略使人羅致之拒聘不納濠怒捕之

斃於獄及濠叛師過吳城之譚家灣弟景允夜率宗族
 三百餘人伏擊之濠兵大亂景允子紹治擊殺數十人
 濠眾繼至中矢傷喉罵賊死景允督戰益力及敗手兩
 劒砍殺數十人自刎死時同死者三十六人景修景集
 景仰景衡景隆景阡景附景陵景階景盛景紹景高景震
 承廣承化承通承道承熙承勉承湘承德承承承承承
 光承觀承順承承承承承承承承承承承承承承承承
 劫其家景修妻魏氏景集妻何氏陸妻何氏紹高妻錢
 氏附妻陶氏俱自焚死景恩妻熊氏陸妻何氏紹高妻
 妻母氏各盛衣先自縊死景恩女九姑亦縊帶絕復蘇吳
 十三見女美嬌獻濠濠欲納為妃女給濠不備過讀書
 諸赴水死濠急拯之不獲後數日屍浮出衣悉縫結面
 如生先是景恩姑以活女曰父名節于古兒獨不能為
 送汝夫家依舅姑以活女曰父名節于古兒獨不能為
 忠義女乎至是卒不辱都御史王守仁表其闕口一家
 忠義於戲吳城以彈丸之地葉氏起問巷阡陌中未沾
 一命抗大節拒強藩忠臣義士孝子弟貞女烈婦視
 死如歸爭先恐後四十九人前後如出一轍英魂毅魄
 謂可不與日月爭光哉乃三百年後於茲廟祀缺然非
 土者責與余守丞之明年廉其事白之大府請於吳城
 之剛山建祠即恩妻熊氏墓側也今大中丞張白先福
 下其議南昌守前署守張敦仁議合建忠義節烈二祠
 分前後各三楹同堂異室春秋有司致祭牲牢由藩庫
 頒銀貲平兩余遂倡率捐輸鳩工庀材授葉氏子孫董

其事越月而祠成因載其緣起爲之紀詩曰明政失紀
強藩覬覦貞士勵節矢命不渝爰及宗族枕戈執殳伺
彼鴟張奮臂大呼潛師宵濟扼吭路隅以一當百奪其
蝥弧賊眾日益強弱勢殊張空冒刃力盡身痛誓死同
日取熊舍魚父子兄弟併命須臾從容赴義閭中弱姝
蘭摧其晚處泥不汚尸久如生稟稟九姑文成督師載
旌其廬之墟靈祠永峙光我枌榆

吳氏忠義祠在新建吉山祀乾隆間征大小金川殉難

贈太僕寺卿一嵩咸豐間援浙殉難總兵修攷把總修

霖修均明思同治七年安徽布政使吳坤修奏建

府志

貞烈祠在百花洲昭忠祠內西偏祀咸豐以來江西婦

女殉寇難者郡紳夏廷桀等捐建同治六年巡撫劉坤

一奏列祀典

稿案

南昌縣節孝祠在學外右新建縣節孝祠在學外左雍

正三年奉

新建謝志

貞烈祠在新建逍遙山祀咸豐同治初元殉難婦女邑

人楊樹棠捐建府志以上

豐城縣社稷壇在大東門洪橋外宋嘉定間縣尹唐容

建明洪武中知縣齊景明重建謝志府志

先農壇在登仙門外雍正五年知縣高岑奉文建謝志府志

縣志

神祇壇在登仙門外楊柳湖北一作縣治南明洪武中知縣

齊景明建謝志府志

厲壇在小北門外劍江濱明知縣齊景明建謝志府志

關帝廟在治東三十步舊在壽昌寺旁謝志

文昌廟在關帝廟後俱乾隆七年知縣朱懷棧改建同

治五年知縣陳汝霖重修府志

城隍廟在治西百步明洪武中知縣林弼建正德八年

燬知縣吳嘉聰重建嘉靖閒知縣曹大川修

國朝康熙四十二年知縣薛景瑩嘉慶十三年知縣鄭增

復修謝志府志

火神廟在高陞門外河街乾隆閒知縣李培建府志

龍神廟二一在西門外墻上明成化閒主簿黃遂建一

在高陞門外新砌七星埭側乾隆十七年知縣滿岱建

府志

許真君廟在縣治西大井頭雍正十年知縣劉象賢卽

蔡公講堂改建府志

斗門廟在城南石閘上爲水口鎮謝志

超山廟在富城鄉晉范登雲尸解於此因祀焉

謝志

劍池廟卽古龍津廟在登仙鄉祀晉司空張華豐城令

雷煥本名劍池廟宋紹興中賜額龍津

國朝嘉慶十年重修

謝志

靈惠廟在長安鄉之神源祀唐廬陵黃元二子燾煜

謝志

威顯廟在楊梓洲祀唐淮南楊渥部將李承熊天祐三年承熊從秦裴攻鍾匡時有功後敗死葬此土人廟於

墓側宋紹興二年封今額

謝志

靈槎祠在廣豐鄉晉時富城鄉白石墓有大木民伐以

獻次獨櫛津水忽逆流至江人異而祀之號泛槎神太

守范甯奏聞敕封宋紹興中賜今額

謝志

武當廟在細彩灣明天啟閒有巨樟仆於河梗流壞舟

居民百餘人不能起知縣馮起綸禱於廟越日大風雨

雷挈樟至岸

府志

宗賢祠在櫛山祀漢徐穉唐王季友宋胡安國以下凡

十有二人咸濱中邑人雷宜仲卽龍澤書院改建

謝志元

范登記宋景定甲子尚書雷公爲粵連帥明年春范登

以條曹尋賓幕府公嘗爲登言吾鄉儲山之龍澤東漢

徐孺子讀書其閒堂址猶存紹興壬子文定胡先生偕

致堂及學徒由浙西來憩於山之寺曰智度父子師友

講授春秋於時松溪范左司後來先大父司戶主一清

寶章西堂范理卿泉谷徐禮侍莫不往來觀遊嘉其清

勝胡先生舊有祠堂寶祐癸丑季春朔同後林李公奠

謁祠下顧瞻傾漏意圖更築并以鄉邦諸先達侑祀俟

巧閒歸里此爲首事又明年三月詔入親留內久之咸

信己已始於寺西偏鳩工建堂峙閣於前東西廡序上

下窗几規模初就門左有溪跨橋而屋藏書萬卷將議

位置諸賢乃分符界節自袁而建自屋藏書萬卷將議

志卒不就德祐乙亥天命既改皇路險巇公竟南萬而

不復矣孺子書堂矩山徐資亦相率族眾興廢纔就隨

煨寺與堂閣幸無恙而藏書悉爲乘時媒進者所取有

識惜之丙子迄今又復一紀公之猶子國登德俊景慕

前修思承先志因所已創益所未完乃繪高士給事及
西岡以次十有二像序列龕奉公與司戶與焉蓋公在
辟雍雄文直氣名聞海內迨躋立顯要每以古人自任
尚論東都南渡人物全身全名如高士明經明務如給
事居游斯地風流餘澤久而愈新社稷尸祝備不有庚
桑之愛而諸先達之所植立表表事業昭昭扶大義正
循師法終始靡他者莫不著聲於州邑其羽扶卓爲吏
直不阿者自足以增重於朝廷至如剛廉敏毅身兼才
師清端重懿見稱國器世守理學而文行明粹身兼才
藝而議論崇闕詎非後之人所當瞻仰而取則者合而
祀之以配二賢夫豈徒侈用人借抑表勵之機既已哉
登爲之記顧衰且陋焉用借抑表勵之機既已哉德俊
哲紹成之美復有賴於後人以道而重斯地以人而重
斯山斯寺蓋不特爲一時重而必將爲千載重若許之
箕山夷之西山皓之商山所以名重古今而不可滅者
皆是也又果假記以傳邪特立祠登實知其概則忱不
容無述以

三賢祠舊稱曲在磯山之巔祀宋朱子李義山姚勉李明

夢陽記磯江北入彭蠡湖千里猶建飯也至豐城觸
磯頭岡則倪而束又折數里始北達也故曰曲江云登
其岡望盡見其奔北俛折之勢於是智者悟其理勇者
宛其氣仁者堅其塞速者紆其謀亢者抑其志是故古

之賢人才士生其鄉也游息增益其所不能過而登也
紆徐鍵繼而弗之忍去也故此夜扁舟之詠則有新安
之朱磯山杖履之章則有義山之李讀書往來其地則
有雪坡之姚夫三人者非世之所謂賢人才士耶是江
也既與其詠章而往來也則三賢人者不可不於地祠之
明矣正德七年夏五月予巡視豐城登岡望曲江之勢
見其上祠也而還也其鬼乃立使去其鬼而作三先生
主爰於其祠也而還也其鬼乃立使去其鬼而作三先生
祠後其勢夫亭有閣又最高登之益足以盡此江奔北
俛折之勢夫亭有閣又最高登之益足以盡此江奔北
水無有不徑謂理也何也智有所不投勇有所不用謀
有所不徑謂理也何也智有所不投勇有所不用謀
曲者勢也終必北者非勢也故曰知水者可與言道登
斯亭也遇三先生之祠而覽其勢之知水者可與言道
言哉殆有取於予言哉

國朝道光四年知縣徐清選重修

謝志

文丞相祠在城隍巷舊在小北門外祀宋信國公文天

祥謝

志

劉令祠在北門外祀明知縣劉璉正德閒以普菴堂建

謝志

韓令祠在治東壽昌寺傍祀明知縣韓弼謝志

劉徐二公祠在華嚴寺側祀明巡撫劉光濟知縣徐子

器謝志

正學祠在治東省牲亭北祀宋朱子以明邑賢李材徐

卽登配康熙十年知縣房廷禎建府志

忠孝節烈祠在城隍廟右本名忠義節孝祠在城隍廟

左謝志

作節孝祠在學外左

雍正中知縣汪雲鵬高岑先後建同治

四年移建於此增祀殉難婦女改今額府志

節孝祠在學外左謝志以豐城

進賢縣社稷壇在城隍廟右舊在縣治西明洪武初知

縣梁璧建萬厯中知縣黃汝亨改西門外知縣周光祖

復改建於此

府志

先農壇在東關外蓮花園

謝志

神祇壇在來撫門外

舊作縣治南

明洪武初知縣梁璧建

府志

厲壇在縣西迎恩門外明洪武初知縣梁璧建萬厯閒

知縣黃汝亨改北門外今仍舊址

府志

關帝廟在海智寺北舊在水西門外乾隆三十一年知

縣孫鐸改遷於此四十七年知縣張五緯重修

謝志

文昌廟在崇聖祠東嘉慶六年建

縣志

城隍廟在縣治南明洪武初知縣梁璧建萬厯閒知縣

周光祖重修

國朝康熙初年知縣聶當世修乾隆閒知縣孫鐸修道光

二年重修咸豐七年兵燬同治七年知縣江璧修復

府志

忠壯廟在縣治北師過渡右祀吳伍員相傳員奔吳過

此又名忠武廟

謝志

康王廟在邑治西壇石山右祀普利孚應康王舊有失

名廟碑稱神為宋將康保裔諡忠烈爵以王神主鎮鍾

陵福善禍淫水旱祈禱無不響應故民崇祀之

府志謹案進

賢縣志稱康王神或云周康王或云楚康王或云宋康

王或云康佑或云康保裔考宋史康保裔傳洛陽人官

高陽關都部署契丹犯河間戰歿事在真宗本紀咸平

三年歐陽守道記云真宗時已存稿曰江西泰和縣康王廟

以後尤著靈則宋時已為保裔立廟縣志又云或言唐

時建疑之蓋唐時古廟基也建昌縣志云保裔有德於

建保裔未曾至淮南何由有德江西按劉宋元嘉時劉

子卿事廬山已有康王廟山西介休康王廟則祀康太

尉深嶺南雜記高州建太平醮醮土為神以蔗酒祭之

名曰康王不知何神矣

樊修職祠在崇禮鄉宋高宗南渡王虎魏全為亂襲豫

章邑人樊昌時昌盛昌諤舉義兵與虎拒戰死虎亦敗
 建炎間贈昌時昌諤為修職郎昌盛為保義郎立祠祀
 焉明洪武間樊用節重修謝志府志
 密都統廟在龍馬坪又名忠烈祠祀宋都統密佑明萬
 厯中知縣毛一瓚修

國朝順治十年知縣徐鳳鳴增修道光二年重修謝志府志

節士祠在北山龍溪寺祀元末死節之士樊復樊晉樊
 用行徐思德陶正道傅煥章饒思舜則志熊有源陳伯
 通徐宏道葉明遠劉清公沈壽凡十四人元龍興路判
 官辛敬奏建謝志兼領水兵千戶大梁辛君敬旌樊明仲以
 下死節之士十有四人而作也士之死於節者以其激
 於義也至正十二年淮蔡之兵南徇豫章君時以道州
 錄事判官需次郡城憤切敵愾受命藩闕往擊江東連
 勢之黨於郡東之十四人者以戎事從君先後而死者

也當時君以徒手單騎糾兵彭蠡之上十四人者實
來或以率眾至或以勇敢用或一也矧皆非有職司祿食
高卑之殊而其致身於死則一也矧皆非有職司祿食
以居位者故或得而祠焉若明仲與其從弟文仲從子
用行及徐思德則皆儒者也故首奮倡義勇決捐身而
陶正道傳煥章饒思舜則志以口舌挫擊而招徠之者
也至若能有源之慷慨陳伯通之驍勇徐宏道之堅毅
葉明遠兄弟之激烈尤不可泐沒也樊氏三人行中書
屠沈壽之出驄卒則君猶憫其或泯於久也乃悉列
既循著令而褒贈之矣君猶憫其或泯於久也乃悉列
祀而復勒其死事之蹟於石焉夫聖賢汲汲焉教民知
義者非趣人之死於義也死以明夫義則忠君親上而相
保以生也縱不幸為義以死則其生氣豈不烈烈然天
地之間哉其含恥苟偷以存其喙息者人恆視以狗彘
不若也雖生百歲而何祠之者邪此義之作也

舒文節祠在縣治西祀明邑人修撰諡文節舒芬萬厯

中知縣周光祖

建謝志

傳忠毅祠在道前義倉西祀廣西巡撫加撫蠻滅寇將

軍傅宏烈

府志

節孝祠在學外右謝志以上進賢

奉新縣社稷壇在縣西郊二里明洪武三年知縣余思

濟改建

國朝雍正十年知縣趙知希修謝志府志

先農壇在縣西郊二里舊作在南壇雍正五年知縣王藩創

建府志

神祇壇在縣北明洪武十七年知縣屠仕宏改建府志

厲壇在縣東北明洪武三年知縣余思濟創建府志

關帝廟在治東明洪武二十年因縣尉廳改建萬曆十

年知縣朱南英重建

國朝乾隆二年知縣趙知希重修謝志府志

文昌廟在魁星閣舊在大成殿左府志

城隍廟在北門外宋夫聖四年縣令張維周修治平三年縣令丁靖增修元季燬明洪武三年知縣余思濟重建

國朝順治十七年知縣黃虞再重修乾隆二年知縣趙知

希修嘉慶二十三年知縣姬學周修

府志

火神廟在昭德觀右知縣婁起銓建

府志

龍神廟在南門馮川橋北

府志

漢吳二帝廟在縣東南祀漢昭烈帝吳大帝

謝志

駕山廟在法城鄉祀唐隱士鄒垣

謝志

葆光廟在治西祀晉劉眞君兄弟四人宋隆興二年敕

賜廟額錫侯號四曰忠惠英惠壯惠烈惠

國朝咸豐十年重修今稱四惠

祠謝志
府志

劉樞密祠在寶雲寺後祀宋隆興守劉琪縣令楊萬里

名其堂曰懷種謝志登用善類復聚國勢大競天下仰目

指期中興而公孤忠崇崛道行則吾止道止則吾行是不

排既牢不可動則歎曰道隆興至則旁搜民瘼孰為疽根

弗弼弗乃以大資政作藩隆興災首得奉新三鄉寓稅之

弊欣然上聞其明年特下轉運悉蠲除之為錢三十五

萬有奇為米若干帛若干命下而公已遷荆州牧矣

於是三鄉昔無田而有稅者今無其所有昔有鄉而無

民者今有其所無又明年五月子來令奉新三鄉之民

相率作堂畫公像於其間以致贍之敬十一月某日

堂成予移官成均將行邑之士民來請名且記予不得

辭名堂以懷種種言德懷言民也於是民皆嘆曰微公

之恩吾其不守邱矣予曰此非公之恩也上之恩也於

是民不悅予重告曰爾不見前之君子乎聞興民之害

則勇於敢聞除民之害則公之勇於不敢今公之言朝奏而

上之命夕應然則此非公之恩也於是民始悅予曰亦

公之恩也於是民皆大感予又重告曰爾不害民也曰

子乎一言而為民百世之害也彼不曰害民也曰利國

也國可利也民可害也不可害也而觀民有其害而國

不有其利歟然其人猶矜曰吾知忠於國也且夫國之

所立其所恃者誰也日夜搖其所以忠其主是忠不

忠也一言而除百世之害如公者有不有也然則此又公之恩也於是民始大悅三鄉曰進城曰新安曰法誠張尙書祠在懷種堂右宋慶元中張杓帥江西奏蠲營

田新稅民賴以全感念繪像與劉珙同祀謝志楊萬

士王模袁去非將仕郎曾商英移書合詞來請於予曰僞田之害邑人德之作懷種堂祀之先生記之矣今又官其可記者蓋自紹興經界既行民田既正惟是田之在於其官計其民強而授之幽遐疇之汚萊民之荒棄者也惟未於我乎貸惟役之曰惟種惟種惟種於我乎取惟半厥土畝賦泉六十民咸利其薄征始競耕焉其後議臣建白蠲之於是民之佃此田者以錢酬官以田業已賦於是兩賦二役舊其費十百始不堪命民訴之邑邑爲錢民之輸者視舊其費十百始不堪命民訴之邑邑下車究知民之甚病在此力調之州州不可其請益堅於是公孤憤不勝欲解印綬挂縣門去謾三人舉幡倡邑民遮留曰民雖病勿失賢宰今請不可安知後終不廣漢張公來帥豫章公欣然曰吾幾妄去今謁不行則

去不妄矣卽重謁之於公公欣然行之吏猶爭曰不可
公勿聽於是田無故新均曰民田賦無抑配均曰正賦
然後新田之民爲戶二千有九十蹙者舒州者蘇疾者
除舉以手加額而相賀曰微吾宰張君不能爭吾民難
爭之賦微吾帥張公莫厚之惠以慰吾民無窮之思願
大書特書以侈張公當與邑之民繪公之像與劉公同
堂尸而祝之前劉後張文武忠孝則人相若師長慈惠
則政相若刻碑病苦則事相若兩公並立二碑對峙式
永厥垂其不泯曜先生雖欲辭而執難余曰劉公易也
辭或曰兩公除民之害則同然而爲有得爲而不欲爲
張公則難耳且事有欲爲之我能言之爾行與否在我乎
不得爲者在是也今張公行之自我不行亦自其得爲
故曰難劉公是也今張公行之自我不行亦自其得爲
執旁無牽顧我不微爾我欲爲之何難焉曰惟其得爲
亦不得爲是以難爲何也以新田用舊賦捐州家十百
之利其細置官其大匱國何謂不難或曰張公亦非難
也留此以遺張公者則難也并書其說以答三公云張
公名柏字定叟忠獻魏公之季子慶元戊午人公云張
夫煥章閣待制楊萬里並書承議郎添差權通判江
軍事兼勸農營田陳邕篆額奉議郎知隆興府
奉新縣主管營田公事賜緋魚袋張瑄立石

岳鄂王廟在北門七靖元宮之右宋李成寇洪州王破

之於樓子莊民感而祠焉

國朝康熙二十九年知縣黃景賢重建乾隆二年知縣趙知希修嘉慶十年邑人岳廷堅重建置田同治六年重

修

府志

卯山五神廟在北鄉祀韓當馬忠黃蓋王平凌統宋咸濟中封當忠勇武烈侯忠威肅武甯侯蓋英毅武明侯平廣德武甯侯統忠惠武安侯

謝志

涂七公廟在城內大街南以涂公鑿井惠民故祀之

謝志

胡氏祠在儒學西祀宋邑人光祿丞胡仲容都官胡克

順尚書胡直孺元季兵燬

謝志

趙把總祠在華豐樓元至正間賊掠武甯靖安奉新等縣把總趙某領官軍敗之後中流矢而沒民爲像祀

謝志

忠節祠在治東祀明副使周憲吳一貫以憲子幹及陣

亡義士何冲霄耐久廢今祀於九賢書院謝志府志

高沈二尹祠在北門外獅山前祀宋縣令高南壽沈雲

舉謝志

節孝祠在學外右謝志以上奉新

靖安縣社稷壇在北門外半里明洪武間知縣江德瑜

建

國朝康熙三十一年知縣高克藩重修謝志府志

先農壇在南壇側雍正四年知縣黃天球建道光十九

年知縣王蘭重修謝志府志

神祇壇在南門外明洪武八年知縣江德瑜建謝志府志

厲壇在北門外錦橋之左明洪武間知縣衡守敬建謝志府志

志府

關帝廟在北門義學右雍正三年知縣黃天球建乾隆間署縣黑夏時重修道光十三年知縣張師吉十七年

知縣林漢喬重修

謝志府志

文昌宮在天澤池東雙溪書院舊在北門嘉慶十七年移建道光二十七年增修咸豐中燬於寇同治六年知縣陶輔昌重建

府志

城隍廟在縣治東舊在城外明嘉靖四十二年知縣趙

公輔改遷今址

國朝康熙十三年毀知縣林鍾新之二十八年知縣高克藩重修嘉慶十六年知縣馬廷燮復修咸豐中燬於寇同治九年知縣徐家瀛重修

謝志府志

劉猛將軍廟在文昌先代殿後道光二十八年建府志

孚澤廟在北門外祀漢鄧禹耿弇咸豐六年燬今重建

謝志

聖堂廟在西門外祀許真君及馬明王明萬歷年間建

國朝咸豐六年兵燬今重建府志

萬壽宮在藥王廟右乾隆五十六年建道光二十一年

邑人捐建增建謚母閣天花宮府志

懷功祠在城隍廟右祀明按察副使吳一貫南昌府知

府李承勛以平瑪瑙山賊功祠之謝志

遺愛祠舊作二在東門內一祀明知縣葉重光有萬年

樂利之碑一祀應汝稼以立水次倉便民漕運故合祀

焉雍正五年知縣黃天球修改今名乾隆六年重修謝志

志府

况太守祠在儒學左側祀明蘇州知府况鍾雍正二年

知縣黃天球勅建於儒學前黃天球記今

天下建忠義祠合祀其邑先賢余既為公置主於公祠

而復擇官地一區合祀其子孫立專祠於文廟西南隅春

秋仲丁別行特祭表公之尤異於諸賢祠既成請余為

之記而公之生平則尤余所樂道者公諱鍾字崇祀固宜有

禮部尚書呂震薦授儀制司主事遷郎中宣德五年初用

尚書塞義胡濙薦擢知蘇州府賜璽書假便宜乘傳之

任當是時蘇州戶役繁重豪猾舞文為姦利最號難治

公初視事吏環立請判文書佯不省左右顧問惟吏所

欲行止吏大喜謂太守閑易欺益滋弊通判趙忱百方

凌侮公唯唯不與校忽一日合僚吏皆流言有救未宣可宣
之教許僚屬不法徑自拿問僚吏皆流汗股栗因升堂
召吏之尤桀黠者詰之曰前某事宜行若止我某事宜
止若強我罪當死命裸之俾隸有力者四人昇舞文吏
擲空中立斃六人陳尸於市一府大震其後人無敢欺
者於是錮煩苛立條教事不便民者立書言之悉報
可先後奏免官糧七十餘萬石復流三萬六千六百七
十戶明冤枉軍民人一千八百餘名免民買抽分船隻

米一十五萬一千八百石革元役圩長九千餘名減遷
 年包荒糧一十四萬九千五百石公為政務鋤豪強植
 良弱興利除弊不遺餘力時則廬陵周文襄公忱撫吳
 憫蘇松賦重與公悉心計畫力甦民困凡文襄所行善
 政公協成之者居多先是公丁繼母艱去民詣闕乞留
 者二千餘人乃詔奪情起復還治蘇後秩滿當遷部民
 二萬餘人復走訴巡按御史張文昌乞再任詔進二秩
 如民請竟卒於官吏民聚哭為立祠其得民心如此余
 嘗閱蘇郡志及明史稿載公始末甚悉而靖邑志頗略
 故因祠記而補列之俾後之人有所考焉抑公祠之建
 掘地得殘碑有橫書建昌況氏妙五字靖之置縣自南
 唐其初本建昌地意祠基即公先世遺址而妙某云者
 其氏名邪祠當其地則亦有數存乎乾隆九年知縣沈
 其開并記之以見茲祠之不偶然也

顯文遷今址府志

節孝祠在觀光集側舊在城隍廟左謝志在學外東同治間遷

今址以咸豐間殉難婦女附祀府志

義烈祠在忠夏都塘埠祀咸豐六年殉難士民婦女保

民公建府志以靖安

武甯縣社稷壇在縣正北舊作在治西初在縣西北後遷此

府志

先農壇在社稷壇右府志

作在北壇

神祇壇在縣治河之南府志

厲壇在北門外府志

一作治東北

關帝廟在城隍廟右明崇禎間建

國朝同治九年知縣何慶朝重修謝志

文昌廟在縣署左側舊有閣在東渡嶺閣廢基存

國朝乾隆元年移建今所道光三年邑人舒廷棟重修府志

城隍廟在縣治東宋乾道二年知縣吳彥夔始建治西

卽今學宮地明正德間徙縣治東崇禎九年署縣姚存

仁仍遷治西

國朝雍正二年知縣廖科齡復移建今所咸豐四年燬於

寇同治九年知縣何慶朝重建謝志 府志

火神廟在縣西道光二十年知縣王師道倡建府志

修水神廟在縣西四十里府志

龍神廟在縣西道光二十年知縣王師道倡建府志

將軍廟在武甯縣四十四都唐盧絳屯兵武甯築磨源

陂灌田萬餘畝鄉民德之立廟謝志 謹案縣志作

岳忠武廟在十二都龍興寺宋紹興元年岳飛追斬李

成將趙萬於朱家山趨江州憩此鄉人立廟祀之張子

嘉定癸未秋初筮仕豫甯謁祀諸廟環視繪堵間有魁

然其容端坐於上者駭而問焉祝曰是忠武岳王遺像

也肅然禮拜徘徊久之不數日巡行邨落見甯邑環萬

山中田塋狹隘而生齒極繁喜問故老咸舉手加額曰

昔在紹興初有叛將李姓者巢穴我井里溪壑我蓋藏

邱墟我室廬膏血我骨肉勢方危若累卵王提師由郢

來歷境三十里澗水暴漲叛眾方需渡謂神兵自天而下倉皇背遁由是不鳴一悸不施一鐵而解一邑倒懸於指顧閒吾祖若宗得以休息萃養而有今日者王之其廟不言既涕零如雨余亦感慨悲且泣將與吾民別新傳述欲記諸壁且為之說曰王秉忠義以生抱憤鬱而死天乎豐其才矣使不啻其用雖有九廟之祀立談可雪何有於一邑之難雖河北三百州版圖不崇朝而復何至悠悠歲月尚守江南數十道之疆域哉竊謂王之心地之麗天也茲邑所觀容光之照耳王之澤水之行地也茲邑所被始達之泉耳雖區區廟祀不足以享王而食其福者非此無以饜其心則邦人繪像之意其亦有不能自已者與父老聞吾言今廢縣志

雙忠廟在北樓源祀唐張巡許遠一名朝天廟明知縣馮琦建以漕運開兌致祭

國朝乾隆二十八年邑人劉孔臣重建

謝志府志

昭應祠

一作昭靈祠

在縣治南祀楚三閭大夫屈原唐封清

烈公道光二年重修咸豐閒燬於寇居民重修

謝志府志

許真君祠在西門外龍潭寺府志

段中丞祠祀唐御史中丞段逸謝志

柳貞公祠在鄧家埠之柳山祀唐司馬柳渾朱紹興間

兵燬邑人陳功顯父子修建明成化間重建復廢謝志

志謝志原按唐書柳渾棄衛州司馬隱洪州山中築室讀書此其處邪宋里人陳功顯以先賢過化之地立

祠祀焉祠旁有貞公井因公之證柳山之名則因公之姓也

昭忠祠三一在城隍廟右祀武略騎尉李秀章武信騎

尉汪騰雲劉升修武校尉潘蛟道光三年邑人翁壽春

妻節婦盛氏捐建一在青雲巷西北祀咸豐年間陣亡

殉難官紳士民兵勇紳民捐建一在江陰鄉潭埠街祀

咸豐四年陣亡團紳鄉勇督團邑進士余瓚馨請

旨公建府志

王夫人祠在縣署內祀元進士盛添祥妻邑令文郁母

卒於署華林寇亂靈佑擁護因祠之

謝志

節孝祠在學外東

謝志以武甯

義甯州社稷壇在崇仁門外舊在州治北

謝志

先農壇在州西郊外

舊作東郊

雍正四年建

府志

神祇壇在貽清門外原在治東南放生池前

舊作治南

後改

建

府志

厲壇在麻油嶺舊作治北一里明洪武閒建

府志

關帝廟在城隍廟左原在儀翔宮右久圯

舊載在演武廳者今亦廢

乾隆元年知州張耀曾重建六年知州許淵修四十八

年署州丁如玉偕紳民改建今所五十四年知州李維

謙修咸豐五年燬於寇八年紳民捐修

府志

文昌宮在學宮尊經閣前府志

城隍廟在關帝廟右舊在儒學東康熙十六年知州班

衣錦重修乾隆六年知州許淵遷儀翔宮故址四十八

年署知州丁如玉率紳士改建今所嘉慶十九年增修

謝志府志

宣明廟在西鄉古城嶺祀火神乾隆中建府志

龍神祠在雲巖寺大雄殿左前有井深十餘丈府志

萬壽宮在儒學左乾隆八年建府志

劉侍中祠在崇鄉祀漢侍中劉陵謝志

黃文節祠祀宋黃庭堅一在學宮右宋時建周必大記嘉泰元年

秋奉議郎臨江徐筠孟堅宰分甯期年矣專以儒術飾吏事每詣校宮必進諸生以學顧視山谷先生祠宇在講堂之左狹隘朽敝亟廣而新之傳像家廟惟肖釋奠餼食則擇族老能文者曰岱主祀事屬予識其成參考

圖牒自唐貞元十五年分武甯八鄉以名茲邑西有幕
 阜山其高千丈廣袤百二十里修水北來東南經縣治
 凡六百餘里下入彭蠡此山川之最勝者也黃氏本金
 華人先生六世祖瞻嘗爲邑宰厥後奉親卜居歿則就
 葬歷三世家修水上家學有聲而先生出焉此世家之
 可考者也夫惟山川炳靈世又得眉山蘇文忠公而師
 配古人環偉之文妙絕當世又得眉山蘇文忠公而師
 之陳張晁秦而友之是宜光顯於朝共振斯道乃或不
 然初坐眉山倡酬樓選縣鎮後被史禍竄謫兩川晚以
 非辜長流嶺南遂隕其命中間翔館殿纔六年耳右
 史之拜復爲韓川沮止其生不遇如翬從弟叔敖爲八
 高宗中興恨不同時追贈直龍圖閣擢從弟叔敖爲八
 座寅甥徐俯於西府皆以先生之故宸奎在天縱主下取
 其筆法戒石刻銘徧於守令之庭李杜已遠遂主詩社
 身後光榮乃至於此非天定勝人邪昔孔子在魯魯人
 指爲東家邱歷聘諸侯伐木創述無所不有孰知後世
 郡邑通祀南面巍然一履之微猶藏武庫聖人尚爾先
 生其奚憾予既書其大略又系以辭使遇祀事而歌焉
 其詞曰嘆先生之致身何艱難而險阻猗先生之歿世
 乃發揚而普湖歸高山與景行極幽僻而爭覩微爰
 乎當時詎煌煌以終古久配祭其鄉社俶奉嘗於新宇
 釀修水以爲醪釣鱗魚而貫組緝白茅於雙井燦浮
 之雲乳尚來燕以
 甯永模範乎故土
 一在雙井宋嘉定十年建明宏治

十八年水衝廢巡撫林俊檄知州葉天爵重建置祭田
一在馬家洲元縣尹吳觀建今俱圯

國朝乾隆二十七年知州宋調元復建西犀津五十三年

黃氏後裔建於鸚鵡橋巷道光三年重修謝志州志

濂溪祠在州治東旌陽山麓祀宋分甯主簿周敦頤元

季燬明天順三年卽遺址建書院宏治間學使邵寶卽

講堂祀像後燬

國朝康熙七年知州徐永齡重建與黃文節合祀乾隆間

屢葺嘉慶二十三年復修謝志州志府志

吳尹祠在州治祀元縣尹吳觀謝志州志

遺愛祠在治西祀明縣丞黎斌後移南門外謝志

昭忠祠在州署西偏祀知州葉濟英及同時殉難官弁

紳民咸豐九年建

府志

忠義祠在千總署東偏祀咸豐五年殉難都司張全孝

千總張朝棟外委林起鳳兵丁查拔山等四十七人一

在西鄉路口祀邑諸生丁桂林一在護仙橋名吳公祠

祀遊擊吳錫光把總吳定發

府志

節孝祠在州治老道前

舊作在學外左

乾隆四十七年州人陳

振家捐建一在學宮西偏同治二年八鄉捐建

府志以上義

甯州

江西通志卷七十三